

新游戲文章



上海會文堂書局發行

# 序

物不得其平則鳴。故士之蓄其所有。而不得施於世者。往往發洩於文字。以自鳴其不平。屈原放逐。乃賦離騷。韓非囚秦。說難孤憤。世徒喜其文之奇。而不知其遇之窮也。吾友趙小亭。好學能文章。累舉於鄉。不得志。退而著新遊戲文章一書。以三閭憤世之心。舞太白生花之筆。雖事屬遊戲。而其義則取諸春秋。其文則跌宕有奇氣。時而嬉笑。時而怒罵。時而悲愁。感憤。是其心蓋甚有不平者。一日以稿示予。曰。願爲我敘之。嗟夫。文以奇傳。小亭之志。雖不得伸於今。其傳於後無疑也。豈以予言爲輕重哉。是爲序。

時

新遊戲文章 序

民國第一庚申年仲夏之月嵯縣錢適朋謹識

# 新遊戲文章目錄

擬經一 共十二首

錢卦

債卦

兵卦

飯卦以上擬易經

痰五經以上擬五

燕燕

徐方

雉鳴以上擬詩經

八字經

新心經

窮經

教員嘆苦經以上擬佛經

記一 共四首

新遊戲文章 目錄

債臺記

我之離魂記

禪說治病記

漁婆出嫁記

說二 共五首

新俗佛會說

說鬼

說疑

說骨痛

平火說

論四 共一首

論三海賣魚事

談五 共四首

愛克司光線談

望氣者言

談王北代表

犀牛章之用意談

序六 共二首

送小徐入京序

送報界諸君東遊序

傳七 共二十五首

齊人傳

滕六先生傳

雪美人傳

歲寒三友傳

冰壺先生傳

東籬處士傳

含黃伯傳

中山侯毛錐傳

新遊戲文章 目錄

新遊戲文章 目錄

子墨客卿傳

楮先生傳

卽墨侯石端明傳

杜撰傳

華村二徐小傳

蚌將軍小傳

王大娘小傳

鬚夫人小傳

守錢虜傳

饕餮君傳

白丁傳

飯氏二子傳

丘八大爺傳

楮幣傳

不倒翁傳

撲克傳

百期篤傳

文八 共七首

留貧文

迎富文

驅睡魔文

驅痔文

告腹文

答口苦文

答友告文

頌九 共二首

嫖德頌

睡趣頌

銘十 共二首

藝海思潮銘

黑漆小瓶銘



祝文十一 共二首

祝如來生日文

祝百花生日文

祭文十二 共一首

徐娘祭袁陵文

批疏十三 共一首

擬天宮批王道士疏

告示十四 共一首

某小學禁吐痰示

啓十五 共一首

約同人作消寒會啓

書十六 共十三首

擬辯帥答王克琴書

擬王克琴與王亞筠書

擬王克琴答劉喜奎書

擬楚材與江寬書

辯子別鬚子書

鬚子答辯子書

通告南北諸議員書

擬館人上滕君書

羅帳答竹夫人書

黃包車夫與小販書

電車與黃包車書

豬八戒答王道士書

西湖神拒王道士書

新遊戲文章 目錄

醫案十七 共一首

官兵骨痛醫案

小言十八 共六首

閣閣

不堪

某園之炸蛋

改組

一團新空氣

忍耐

# 新遊戲文章

明州趙煦筱亭氏著

## 擬經一 共十二首

### ●錢卦

錢。發迹養生。有攸往。無不利。

彖曰。發迹之資。非錢莫助也。養命之源。非錢不適也。

象曰。天下熙熙。皆爲錢往。天下攘攘。皆爲錢來。錢之利大矣哉。

初九。錢之初鑄於周。象曰。伊錢初生。周末時也。景王之世。大鑄錢也。

九二。錢利貪。烏珠突。勿藥。有喜。象曰。烏珠突。見錢眼開也。貪人視錢如病。

得醫。勿藥有喜也。

九三。錢樹子。女子以失貞致財。終有悔。象曰。錢樹子。以女子爲搖錢樹也。失貞之悔。亦可醜也。

六四。乏錢。小人無賴。凶。象曰。小人乏錢。貧無以自存也。窮極無賴。志窮凶也。

六五。錢有癩。上下交征。利國家危。凶。象曰。錢癩之發。上行下效也。不奪不饜。危及國家。終凶也。

上六。錢來自勒索。偉人之得。民人之災。象曰。賠戰費。補餉項。實勒索也。勒索之資。飽私囊也。故偉人得財。民人災也。

● 債卦

債。小亨。終凶。可救急。不可濟貧。

彖曰。借債以救一時之急。小亨也。用以濟貧。終久則凶。其道窮也。象曰。急則借債。財不濟也。以債爲生。終有凶也。

初九。債借國內。楚弓楚得。无咎。象曰。國內之債。民有權也。楚弓楚得。利不外溢也。

九二。借債興實業。母生子。無不利。象曰。債以生利。債何傷也。

六三。債借於外。外有權。監我財政。无攸利。象曰。債權於外。喪我主權。大失利也。

六四。債欸多。回扣七八。利小人。象曰。小人之利。得回扣也。

六五。債用以殺人。操戈同室。南北並受其禍。象曰。殺人而出於借債。無南無北。受兵禍也。

上六。債臺高築。國家其覆凶。象曰。國家之覆。害於債也。其亡其亡。故凶也。

●兵卦

兵。貞吉。无咎。窮黷凶。

彖曰。兵。衆也。能以衆正。吉又何咎。若窮黷以毒天下。終有凶也。

象曰。止戈爲武。兵。君子以除暴安良。小人用之。則亂。

初六。兵不戢。火如焚。如凶。象曰。不戢自焚。好兵凶也。

九二。兵以禦侮。无咎。同仇敵愾。象曰。禦侮无咎。國永保也。同仇敵愾。惟一  
心也。

六三。兵起蕭牆。同室操戈。凶。象曰。操戈同室。兵不祥也。

六四。籌兵欸。重征稅。軍人之得。民人之災。象曰。軍人得欸。民人災也。

六五。兵費不足。借諸外國。大不利。象曰。借欸用兵。自速亡也。

上九。悔禍息。兵其旋元吉。象曰。周旋議和以息兵。禍去吉來也。

### 飯卦

飯。利果腹。晝日三接。亨。

彖曰。飯以療飢。早飯。點心。若粥。午飯。晚飯。肥魚大肉。晝日三接。用以果腹。



飯之爲用大矣哉。

象曰水火既濟而成飯。君子以自求口腹。用飯而亨。

初九。菜飯飽。實受其福。象曰。菜飯安飽。福何如也。

六二。奪飯。盃。勢有利。象曰。飯盃爭奪。視乎勢也。

九三。飯桶飽。食无咎。象曰。飯桶无咎。庸庸多福也。

六四。討飯三年。懶做官。利小人。象曰。小人之利。貧而樂也。

九五。有飯大家吃。共和吉。象曰。各有飯吃。亂庶遄已。共和有吉也。

上六。吃白飯。厚顏无譽。象曰。吃白飯。白食也。顏之厚兮。亦可醜也。

●痰五經

清季某兩等小學。禁吐痰極嚴。以視學員某有所言也。因作痰五經以贈焉。

上九。痰迹滿地。致勞於視學。有咎。彖曰。痰滿地。礙衛生。咎自取也。視學視痰。重視痰也。用九。設痰孟。地無痰。象曰。痰孟遍設。以盛痰也。地無痰。痰入孟。終有吉也。擬易。

痰誥曰。咨爾衆職員。高等生。初等生。厨人。役人。閹人。車人。以爾有痰。陳孟于四方。用命吐于孟。不用命唾于地。以貽笑于視學。予則懲罰汝。罔有攸赦。擬書。

圓圓痰孟。路隅設之。乃如人有痰。于以吐之。賦也。吐吐痰。痰于孟。無洩無

涕無唾于地賦也。擬詩

是月也。禁條出路有圓孟。痰入于孟。化爲水。地始淨。擬禮

二年春二月。痰洩入孟。稱痰洩。痰有禁也。孟有水。故痰入之。擬春秋

●新詩經燕燕刺梁士也

燕燕于飛。行兮僕僕。之子于歸。遠送于北。息兵議和。說我內閣。興也。

燕燕于飛。語兮喃喃。之子于歸。遠送于南。議和息兵。說我偉人。興也。

燕燕于飛。載好其音。自南自北。胡能有成。惟梁有士。思獲民心。興也。

燕兮燕兮。罪旣赦兮。吁嗟關兮。財神活兮。智之譎也。顏之厚也。乃如之人。

兮。邦之孽也。興而賦也。

三章章六句一章章八句

●新詩經徐方刺窮兵也集詩句

徐方來庭。誰秉國成。赳赳武夫。踴躍用兵。賦也。

徐方既來。亂靡有定。兄弟鬩於牆。俾民不甯。賦也。

徐方既同。乃覲於京。廼裹餼糧。修我甲兵。賦也。

徐方繹騷。陳師鞠旅。戎成不退。心之憂矣。自南自北。曷維其已。賦也。

徐方不回。卒勞百姓。喪亂弘多。憂心如醒。寧不我顧。蹙蹙靡所騁。賦也。

無罪無辜。瘼此下民。念我土宇。憂心慙慙。誰生厲階。國步斯頻。賦也。

三章章四句三章章六句

●新詩經雉鳴刺淫奔也集詩句

有鷺雉鳴。有女如雲。以遨以遊。肅肅宵征。賦也。

有鷺雉鳴。差池其羽。彼美人兮。俟我乎巷兮。顧我則笑。揜執子之祛兮。賦也。

夜如何其。夜未艾。雉鳴求其牡。必有興也。右招我由房。不瑕有害。賦也。  
甘與子同夢。有客宿宿。標有梅。比予於毒。無以下體。啜其泣矣。其後也悔。  
何嗟及矣。賦也。

一章章四句二章章六句一章章八句

●八字經

甬俗於新正初八十八二十八等日。婦女入寺禮佛。謂須身經八寺。拜八佛。則來生可得好八字。爰本斯義。作八字經。俾善男子。善女人。得誦念焉。

我聞在昔。有大撓尊者。在震旦上國。於軒轅大帝時。作天干十。地支十二。錯合成六十甲子。用以紀年。無所謂八字。後世推廣。記日月時。推五行生尅。始成八字。以定一生休咎。有佛弟子。假此八字。造無稽之言。以愚無智衆生。謂於新正三日。有善男子。善女人。經八方禪寺。禮八方諸佛。佛現丈八金身。告八百阿羅漢。以八功德水。灑遍八方。使佛教衆生。得於未來世界。有好八字。若富貴。若康甯。有無量壽。有無量福。否則曰疾曰貧。無福

無壽。無智亦無得。我願衆生。信受此經。卽說偈曰。八字八寺。原是別字。八佛拜佛。無非蠢物。南無法。南無佛。一切衆生。得好八字。皆大歡喜。摩訶薩。

●新心經

如是我聞。一時佛在舍衛國。敷座而坐。長老須菩提。在大衆中。合掌恭敬。而白佛言。云何應住。生心。云何降伏其心。佛言善哉。須菩提。汝今諦聽。發三藐三菩提心。應如是生。清淨心。不應住色。香。聲。味。觸。法。生心。不應受侮。生爭競心。不應負謗。生嗔怒心。不應得譽。生欣幸心。若愛憎心。若機械心。若妒忌心。若偏私心。如是等心。皆爲非心。應生無所住心。心無罣礙。是爲心。若有善男子。善女人。發菩提心。受持此經。得無上果。佛說是經已。須

菩提及一切衆生。皆大歡喜。卽說偈曰。持此新心經。能除一切苦。悉發菩提心。同生極樂土。

### 窮經

一時窮極無賴天尊。出窮山。與窮閭中諸窮士。披敝衣。持破鉢。乞食於窮途。已還山。食訖。收衣鉢。洗足。敷座說法。行深般若波羅密多。窮目見四壁皆空。窮到一切無物。物是空空。空無物。有想無想。亦復如是。是無法可想。是故室中無物。無柴。米無鹽。茶無衣。亦無褐。一無所得。故般若波羅密多。信受此經。是窮鬼咒。是窮神咒。是窮措大咒。能解窮者苦。無下窮途淚。卽說咒云。陽曆年底。得過且過。陰曆年底。如何如何。天尊說法。力戰愁魔。安



貧守道。笑罵由他。一切窮士。得波羅密多。薩婆訶。南無窮極無賴天尊。摩訶薩。

●教員歎苦仿餓口經

鐺鐺鐘聲。快快上課去。既入課堂。高唱點名簿。指東話西。片刻不小住。喊破喉嚨。教員真勞苦。

一日六時。自朝至日暮。六日一週。無日不禁錮。預備時多。休憩不遑處。頭腦冬烘。教員真勤苦。

區區脩羊。事畜憂內顧。年復一年。薪金仍常數。百級債臺。誰爲將伯助。措大多窮。教員真貧苦。

擔任學科。偶然有差誤。伏獵弄響。同事羞與伍。反對風潮。小子攻鳴鼓。刻  
刻預防。教員真愁苦。  
視學將來。成績當宣布。竭慮殫精。課卷忙旁午。切盼諸生。個個有進步。飯  
盃捧牢。教員真心苦。

記一 共四首

●債臺記

窮措大行經窮途。時已日暮。見有歎息者。有灑淚者。行行入愁城。視城中  
人多垂頭蹙額。若不勝憂慮然。復前行。見一臺巍然。重重疊疊。不知其幾  
何級。窮人告措大曰。此所謂債臺也。相傳臺之始建。爲周赧王。此後代有

興廢。至清季而洋債紛入。臺之氣象一新。覺羅氏經營此臺。筋疲力盡。卒因此而失大業。迨民國肇興。諸大偉人爲肥私囊。爭飯盃計。紛紛外債。層層百級。愈增愈高。慮其有剝蝕也。則不惜竭民脂膏。以粉飾之。虞其或傾折也。則不憚敲民骨髓。以填補之。於是債臺之基。日益高而窮途之人。日益多。窮措大窮無聊。賴欲借資而不得。思貸粟以無從。此日暮途窮。所以對債臺而有無限之感也。夫。

●我之離魂記

我當舞勺之年。抱河魚之疾。痛極而暈。覺身非我有。惟首領尙能自保。後亦漸冷化。及冷至鼻準。則霍然而起。如釋重負。四大皆空。一無掛礙。吾心

之快樂。有非筆墨所能形容者。因思病臥一室。久不知戶以外事。堦前蘭蕙。曾開花未。方起念間。而此身已出牕櫺。步庭外。見蘭花已謝。牆外老槐。綠葉成陰。較前愈茂。一時吾身。又恍惚。在綠槐高處。無殊。列子御風。冷然。然也。惟耳聞隱隱有哭聲。聽之。聲在我室。又聞有呼我名者。我卽復由牕而入室。見家人多垂淚。吾母哭尤哀。吾因歷告家人。我固無恙。而家人多不我顧。乃趣呼阿母。兒今歸矣。母可勿哭。而母若罔聞。哭如故。因依依膝下。勸母止哀。忽見榻上一人。挺然僵臥。諦視之。宛然我也。今我在此。何復有。我是誠不可思議。見有以手撫榻上人者。云。胸間尙溫。且少待勿動。予聞之。亦以手撫其人。空空如也。始知我所謂我者。非真我。榻上之我。真我。

也。真。我。如。此。我。其。死。歟。不。覺。悲。從。中。來。愴。然。涕。下。注。視。我。身。宛。其。死。兮。於。是。號。淘。大。哭。以。謂。彼。我。已。死。此。我。何。爲。以。我。撞。我。憤。不。欲。生。驟。覺。身。如。火。灼。熱。不。堪。支。頽。然。而。倒。於。榻。上。張。目。視。之。此。我。在。而。彼。我。不。知。何。去。因。大。呼。我。何。在。我。何。在。家。人。聞。聲。叢。集。相。視。而。語。曰。甦。矣。果。甦。矣。飲。予。以。湯。始。恍。然。悟。知。彼。我。我。身。此。我。我。魂。一。我。而。竟。分。二。我。二。我。而。復。合。一。我。此。身。仍。在。病。魔。復。來。欲。求。如。前。此。之。從。我。所。欲。魂。遊。無。阻。不。可。得。矣。後。病。愈。久。亦。忘。之。前。日。休。暇。與。諸。叔。談。及。遂。記。之。以。誌。有。我。之。苦。不。如。無。我。之。樂。憶。予。自。再。生。後。半。生。落。拓。我。見。未。除。至。今。日。四。十。無。聞。百。端。待。理。正。如。粉。墨。登。場。鼓。聲。甚。緊。縱。團。圓。結。局。或。有。可。觀。而。此。際。之。唱。破。歌。喉。知。音。何。在。言。

念及此良可歎也。

●禪說治病記

人有患心疾者。疾作輒昏憤如夢。或發譫語。有時平安如常。聞西域僧有真空者。能不用符藥。以禪說治病。其人往叩之。真空曰。子之恙起於煩惱。煩惱生於妄想。妄想由於不知足。不知足則期望他日富逾陶朱。貴比許史。壽高彭祖。福勝汾陽。與夫不可必得。不可必成之事。多欲熱中。靈臺一炬。元精銷耗。欲無病得乎。不知福壽富貴。天所斟酌。與人者有限。乃人心無限。薄已然。豔未然。有愈得而愈。無厭者。此病魔之所由日親也。人能萬事知足。斬絕妄想。則一塵不染。五蘊皆空。煩惱根苗。無從萌動。心火不至。

上。炎。腎。水。自。然。滋。生。病。魔。將。不。待。符。藥。而。遠。去。矣。其。人。如。其。言。靜。坐。一。室。掃。空。萬。緣。不。旬。日。病。竟。如。失。邯。鄲。公。子。聞。之。曰。人。心。不。足。非。利。卽。名。利。鎖。名。纏。都。由。自。縛。縛。而。不。解。害。及。厥。躬。其。不。至。爲。此。人。昏。憤。之。形。而。能。從。真。空。知。足。之。言。者。有。幾。人。哉。

●漁婆出嫁記

漁婆者。安福魚行之女老板也。本一袁氏之下堂妾。引蜂招蝶。岑寂不甘。穢德腥聞。豔名藉甚。徐娘雖老。風韻猶存。近聞珠姑娘與唐公子結婚不成。思染指焉。老且帶花。騷興勃發。以謂唐公子英姿颯爽。珠姑娘不善周旋。是以難成好事。玩弄男子。老娘自有妙手。此種姻事。舍我其誰。於是率

其漁婢多人。粥粥羣雌珊珊南下。演翠香之贈簡。希君瑞之跳牆。青鳥殷勤。標梅迨吉。漁婆之情急矣。詎料落花有意。流水無情。俟巷俟庭。竟期可人不至。胡天胡帝。徒令有女懷春。今漁婆情思昏昏。彼散相思之五瘟。使何惡作劇如是之甚也。而漁婆入骨相思。含羞難說。老騷其何以自解歟。

說二 共五首

●新浴佛會說

前日爲舊曆四月初八。相沿以是日爲浴佛日。由來古矣。予謂佛度衆生。衆生皆可成佛。特以衆生之心。未能清淨耳。佛本空虛。浴不浴於佛何與。彼衆生之齷齪心腸。則不能不一爲蕩滌。以除其邪穢也。如政府諸公有



自私自利。作福作威之心。浴而去之。庶能謀國利民。福國會議員。有分門別戶。黨同伐異之心。浴而除之。庶真能代表民意。各省督軍。能洗心爲政。以效忠國事。則無擁兵自恣。恃權干政之惡習矣。各縣知事。能澄心從公。以造福地方。則無剝民自奉。瘠衆肥己之私意矣。推之若借外款以圖回扣。請軍餉以飽私囊。以及一般舊官僚。新人物。利欲薰心。以金錢爲目的者。皆出薰肺腑。以觀音淨水。天竺名香。三沐而三薰之。俾得醍醐灌頂。腥臭悉除。更推之冬烘學究。頑固商民。自尊自大之流。不識不知之輩。舊染汗俗。咸與維新。灌輸新道德。滋長新智識。使悉發菩提心。同登極樂界。豈不善歟。若徒循故事。會啟龍華。法鼓金鐃。集僧誦佛。有何益哉。有何益哉。

作新浴佛會說

●說鬼

有邯鄲公子。倦遊滬上。夜燭卷書。境殊幽寂。聞牕外嗚嗚若鬼嘯。公子膽素怯。卽掩卷而睡。不覺栩栩然入夢。見一老者。蒼顏修髯。扶杖而來。笑問公子曰。子何睡之早也。得無學瞌睡漢乎。公子攬衣而起曰。予以獨居岑寂。心頗畏鬼。故睡時較早。今幸先生賁臨。不妨作長夜談。吾可不畏鬼矣。老者拈髯而笑曰。子誤矣。鬼何足畏。鬼之來也。人自召之。人生果不作惡。鬼子何敢欺人。鬼固不足畏也。子殆不知世之可畏者。莫若人也。公子曰。有是哉。願問其說。老者曰。人與人交。可畏實甚。同勢相軋。同利相爭。或投其

好而入。或伺其隙而動。甚至陽託肺腑之親。陰作腹心之患。貌爲膠漆之契。隱藏鉤距之謀。詭計多端。譎張爲幻。人心之可畏。殆有百倍於鬼者。且子試思之。使子有志莫展。落寞至此者。人歟。鬼歟。今子不人之畏。而畏鬼。何其不知世故之甚耶。老夫一鬼也。子何不我畏。而與我言乎。公子恍然。若有悟。老者卽失所在。惟見月影半牕。蟲聲四壁而已。明日公子以語其友。友曰。之鬼也。之言也。鬼之熟悉人情者。也使吾遇此鬼。當人之。且師之友之子焉。得以鬼目之。公子曰。彼人。而我人之。彼鬼。而我鬼之。於我何與焉。

予筆耕滬上。一夕。手卷書。深夜獨坐。忽聞牕外嘻嘻鬼嘯。自思生平不敢爲孽。伯有彭生。當不我厲。我豈畏鬼者耶。移燈迹之。聲出庭樹間。見一敗葉。爲蛛絲所罨。風入竅中鳴。予始悟曰。向以爲鬼嘯者。卽此是也。去歲在甬時。晚飲友家歸。方入室。疑旁舍有偷兒在焉。急覓杖逐之。見頽然而立者。人也。以杖橫擊之。紛然而墮。但無聲息。遽照以燈。乃老僕澣其故衣。懸之室中。立者墮者。一衣也。何嘗有偷兒哉。又憶幼時納涼院中。與鄰兒戲井欄旁。足蹴一蛇。大呼狂奔。羣兒皆驚趨告母。鄰媪出燭燭之。見巨蛇尙在。共諦視之。實汲水之斷綆耳。因思天下事。本無實相。皆人以意造之鬼也。偷兒也。蛇也。心意之魔也。魔由意召。人無疑意。魔何由至哉。諺云。疑心。

生暗鬼。良有以也。

●說骨痛

北軍一路兵士。以積勞致骨痛。奇哉奇哉。吾聞豬脬將軍。以氣悶齷齪肚中。則患氣痛矣。豚尾大帥。以頭浸荷蘭水內。則虞頭痛矣。蚌精難離蚌殼。蚌殼破碎而蚌肉痛矣。龍王久據龍潭。龍潭圍困而龍心痛矣。乃一路兵士。俗氣不堪。風頭出過。尋花姑娘。而肉麻。見孔方兄。而心醉。故不慮氣痛。頭痛。肉痛。心痛。而獨以骨痛。聞也。自有此骨痛。而小徐娘裝腔做勢。口硬骨酥。老曹瞞左擁右抱。心開骨醉。惟吾民之遭痛苦者。骨暴沙。邱血填。草野天涯。痛哭骨肉。流離彼誘。爲骨痛者。其果知吾民之痛苦也歟。

## ●平火說

北方某鉅公言南方火氣未平。當先平其火。聞之南方屬火。火性炎上。南方之起事。蓬蓬勃勃。火氣然也。北方屬水。水性潤下。使能順其水性。俾四方潤澤。利益均沾。無黨無偏。心盟白水。以水尅火。火不難平。自可水乳交融。炎炎者滅。而南人自不復反矣。若不知出此。思假兵力以平之。不啻抱薪救火。火上添油。行見大火燎原。不可撲滅。且兵猶火也。以火平火。崑岡火烈。玉石俱焚。吾恐二火相合。二毒相并。毒裂而紛。告獨立矣。火盛而烽火四起矣。忍令同胞父死於前。子傷於後。身膏野草。骸骨不歸。老母寡妻。天涯哭奠於國家。無絲髮利而國民蒙終身之酷。嗚呼。誰秉國鈞而令吾。

民。至。焦。頭。爛。額。也。歟。

論四 共一首

●論三海賣魚事

三海賣魚事。論者多謂有損國體。而予謂無傷也。今之宦海。猶三海也。袞袞諸公。猶魚也。宦海風潮。朝夕百變。而衆魚之變化。亦愈出而愈奇。或化爲蟻而慕羶焉。或化爲蝸而黏壁焉。或化狡兔而營窟焉。或化黠鼠而憑社焉。有若笑不可測。而魚化人貓。有若飛而食人。而魚化政虎。蜃樓海市。幻化多端。三海之魚。其有此變態也歟。然此特衆魚也。而巨魚則尤甚矣。各擁其蝦兵蟹將。鼓浪興波。以爭雄於水國。忍使四海蒼生。如頰尾之魴。

涸轍之鮒。欲求升斗水而不得。乃彼巨魚生成冷血。冥頑不靈。方乘其縱壑之機。逞其吞舟之力。爲觸蠻之戰。等鷓蚌之爭。而墨雨歐風。漁夫已隨其後。將至罹於網。游於釜。登於刀俎。而彼昏不知也。嗚呼。神州陸沉。其魚同慨。區區三海賣魚事。何足奇哉。何足論哉。

### 談五共四首

#### ●愛克司光線談

醫學家有談林德根愛克司光線。能盡見五臟癥結者。予以爲不盡然。今日叔世民訛。人心險詐。方寸之微。幽深邃密。無迹可窺。彼林德根雖能發明透骨洞胸之光線。不過見夫四房之心。五葉之肺。若肝。若膽。若腸。胃。而



已。曾。不。能。見。其。壽。張。爲。幻。鬼。賊。多。端。起。滅。無。恆。包。藏。不。測。之。一。片。隱。慳。也。  
安。得。有。更。精。於。愛。克。司。光。線。者。以。照。當。世。人。心。使。圓。光。透。澈。靈。府。洞。然。吾  
知。其。必。見。有。拗。曲。者。有。偏。倚。者。有。險。阻。多。城。府。者。有。拉。雜。塞。荆。棘。者。或。蠶  
蠶。然。或。虎。狼。然。黑。者。墨。如。尖。者。刀。如。有。現。銅。臭。氣。者。有。示。肉。食。相。者。甚。且  
有。隱。約。露。漢。宮。春。色。者。五。光。十。色。百。怪。千。奇。當。有。倍。蕝。於。溫。犀。所。燭。禹。鼎  
所。鑄。者。矣。欲。見。其。有。如。明。珠。之。圓。瑩。水。晶。之。清。澈。者。千。萬。中。殆。不。得。二。三  
見。焉。以。愛。克。司。光。線。較。之。非。渺。乎。遠。哉。惜。乎。林。德。根。已。逝。不。及。進。乎。此。也。

●望氣者言

客有挾新垣平之術見邯鄲公子者。曰。我善望氣。人經予目。卽能知其生

平。公子曰。望氣有何難哉。予亦知之。如道學先生。有頭巾氣。靚妝女子。有脂粉氣。梓澤富人。有金銀氣。朱門貴客。有酒肉氣。他若豪俠丈夫。則有粗魯氣。文魔秀士。則有寒酸氣。空山老衲。則有疏野氣。雲水道人。則有江湖氣。一望而知。何足奇哉。客曰。非此之謂也。予所謂氣者。如正直者有正氣。邪曲者有邪氣。淵博者有秀氣。迂拙者有腐氣。現於頂上。非肉眼所能見也。公子曰。信如客言。試爲予望之。客注視公子曰。公子學追董賈。文勝淵雲。頂上之光。爛如錦繡。特團結不伸。知公子之屈抑久矣。時座中有一少年。係公子戚。新自海外歸者。問客曰。視予何如。客賀曰。先生氣象崢嶸。貴人也。少年退。客謂公子曰。向少年客。非留學生歟。吾見其頂上黑烟直上。

烟中隱現講義幾部。文憑數紙。且上露冠蓋影。吾故知其必貴也。予閱人多矣。凡氣如黑烟者。往往顯達。而光如爛錦者。多不得志。此天道難知。非予術所能及矣。公子喟然嘆曰。其然。豈其然歟。

●談王北代表

新涼天氣。人意爽然。有二客過余。爲時事談。一客曰。近日王北代表到滬。和會將開議。時局其庶得平定歟。一客率爾問曰。代表來者。非安福魚行之王老板乎。曰然。曰。近聞安福魚業。力圖進行。若蘇若閩。支行紛立。行見竭澤而漁。一網打盡。神州召陸沉之禍。民生多涸轍之憂。來日大難。池魚殃及。彼爲老板者。私囊飽足。縱國亡民奴。猶不失爲猶太富翁。今爲區區

和議。竟不憚親勞玉趾。僕僕風塵。吾恐老板此行。醉翁之意不在酒也。一客曰。誠哉是言。且王老板素工心計。必不虛此一行。吾聞北廷欲大借外債。非以議和爲前提。借款難以就緒。故特假議和美名。以營借款之事項。莊舞劍意在沛公。王老板之計狡矣哉。余曰。誠如二君言。是王老板者。直一市井小人。代表云乎哉。代表云乎哉。

●犀牛章之用意談

客有自京師來者。告予曰。近日政府注重河工。內務部擬定獎勵辦法。特創一種勳章。鑿犀牛形於其上。名曰犀牛章。以獎河工人員。內務部其有深意也歟。予曰。亦不過如今日流行之文虎章。及袁政府時之獎勵財政

人員者。有單鶴章。雙鶴章而已。未必有深意也。客曰。予聞之。文虎章者。取其威儀顯赫。有威可畏。有儀可象也。單鶴雙鶴者。取其能如鶴之高。掌遠。蹠長。頸尖。喙能刮地皮。吸民膏也。豈於犀牛而無所取乎。子縱不言。吾已知之。古傳。犀能分水。今以犀牛章。獎河工。人員非取其能分水。使百川入海。不至汎濫歟。且昔温太真燃犀燭怪。奇形異態。無不畢露。近日京直水災。未必非水怪之翻波逐浪。有以致之。誠能洞鑒其怪狀。水亦不難治也。內部之特創此種勳章。豈無意哉。豈無意哉。予曰。內部果有此勳章。宜先獎君。客曰。何也。予曰。內部之深意。君能知之。非君之靈犀能通而然乎。君不應先得此章歟。客笑而退。

序六共二首

●送小徐入京序仿韓文送董邵南序

段系素稱多譎智陰謀之士。小徐久罷職。今復得志於政界。懷抱大志。揚揚入京都。吾知其必有爲也。小徐闊乎哉。夫以子之得鬚軍。苟仰馮揚段者。多趨附焉。矧段系之士。尤爲切近者哉。然吾嘗聞同系最易猜忌。吾惡知其黨能免於異議否耶。聊以此次之行卜之也。小徐闊乎哉。吾因之有所慨矣。爲我謁東海君之座。而審其內幕。猶有昔時大辯黨乎。預爲賀曰。津議策實行。可謂強有力矣。

●送報界諸君東遊序仿韓愈送董邵南序

東邦今稱多學識新異之士。諸在君報界。皆已著名於滬上。欲廣見聞。欣渡東海。吾知其必有得也。諸君勉乎哉。夫以各報之主筆。思疏通意見者。皆歡迎焉。矧東邦之士。尤爲開通者哉。然吾嘗聞文化隨時進步。吾安知其今不勝於古所云邪。聊以諸君之行卜之也。諸君勉乎哉。吾因之有所感矣。爲我探蓬瀛間之勝。而問諸水濱。果有神仙不死藥乎。邦人士曰。中日交親睦。可以見於此矣。

傳七共二十五首

●齊人傳

齊人者。齊東野人也。其姓名則予忘之矣。初爲穿窬。攘雞追豚。竊屨以爲

食。不。得。則。毀。瓦。畫。墁。以。求。之。或。至。東。郭。墻。間。乞。祭。者。之。餘。以。爲。饜。足。之。道。  
然。性。好。色。踰。東。家。牆。而。樓。其。處。子。則。得。妻。又。慕。少。艾。初。也。鑽。穴。相。窺。繼。也。  
踰。牆。相。從。因。之。而。有。一。妻。一。妾。後。從。王。驩。盆。成。括。遊。脅。肩。諂。笑。以。圖。餽。啜。  
王。驩。朝。暮。見。甚。相。得。薦。之。朝。爲。大。夫。於。是。居。移。氣。養。移。體。享。妻。妾。之。奉。宮。  
室。之。美。巍。巍。然。大。人。也。未。幾。盆。成。括。以。事。見。殺。王。驩。諫。於。王。而。不。用。齊。人。  
遂。致。爲。臣。而。歸。暖。衣。飽。食。終。身。訢。然。

齊。諧。曰。齊。人。以。一。賤。丈。夫。而。貴。享。五。鼎。可。謂。不。智。乎。迨。盆。成。括。死。卽。浩。然。  
歸。不。可。謂。不。智。也。可。以。仕。則。仕。可。以。止。則。止。乞。人。也。而。所。爲。則。學。孔。子。不。  
智。而。能。之。乎。彼。熱。中。者。流。乞。人。不。屑。者。而。亦。受。之。則。惑。之。甚。者。也。



●滕六先生傳

先生姓滕。行六。名瑞。字兆豐。父寒。母雲氏。或曰卽散花天女也。世居朔方。先生生而冰清玉潤。一翩翩佳公子。幼爲程門高足。與游揚並立。然性好遊。梁王置酒兔園。先生曾爲入幕賓。王待之居鄒枚右。後至山陰。訪戴不遇。過蔡州。佐李愬破吳元濟。功最朝廷。欲官之。曰。予東西南北之人也。不願隨雲升降。遂飄然歸。先生之爲人也。無適莫。遇圓成圓。因方爲方。所與交。不論大小上下。作平等觀。晚年嘗自歎曰。節豈我名。潔豈我貞。吾心皓然。何慮何營。乃披鶴氅。歌黃竹。遊崑崙。去不知所終。

●雪美人傳

美人姓滕。系出滕六氏。本爲散花天女。居羣玉山頭。後下瑤臺於琉璃世界。中現色相示人。故冰肌玉骨。瀟灑出塵。迥非凡艷。當美人未降世也。有素娥青女。時鬪嬋娟於霜裏月中。自美人出而雪膚花貌。舉世無雙。青女羞不見。素娥則深閨廣寒。自慚勿及也。美人於風雪寒冷時。丰神愈秀。嘗與松竹梅三友善。訂歲寒交。相對無言。淡如也。後趙宣子慕其清白。欲見之。美人曰。趙大夫雖如冬日可愛。而儂一清淨女兒身。奚願趨炎附勢哉。遂託言從水仙遊。隱去。卒不見。

贊曰。美人天生朗潤。冰雪聰明。非所謂明月前身。流水今日。歟。乃來蹤去迹。空空如也。天仙化人。是耶。非耶。佛說色卽是空空。卽色一切世情。皆作。

如。是。觀。則。庶。乎。色。相。皆。空。胸。中。雪。亮。矣。

●歲寒三友傳有序

嗚呼。叔世民訛。狙詐颯起。富貴則賓客慣趨。炎勢。貧賤則親朋亦鄙。寒酸回憲之雪。白蘭薰巷無車馬。張霍之花團錦簇。雲合冠裳。故舊相輕。人情逐勢。大抵然也。然吾以謂自古忠義之士。多出於亂世。黃花晚節。桂樹冬榮。蓬飄萍聚中。能寒不改柯。溫不增葉者。豈果無其人哉。乃求之再三。於天寒歲暮之時。見有風雨急而不輟。其音霜雪寒而不渝。其色者。僅得三人而已。其事迹雖不著見。獨其節概有足以風世者。吾亦不敢沒也。則有若高友松。直友竹。與素友梅焉。

高友。姓丁。名堅節。字夢固。別號十八公。系出夏后氏。世居徂徠。間虬髯鶴骨。森然有凌雲之概。秦始皇封泰山。曾顧其廬。見其高標勁節。材大心堅。有大臣器。徵爲大夫。辭不受。遂隱於萬山深處。不與世相聞。時或登高長嘯。作波濤萬里聲。後聞從白鶴仙黃石公遊。不知所終。贊曰。冰雪之姿。棟梁之器。不受秦封。隱居樂志。豔李穠桃。春風得意。在公視之。糠粃而已。

直友。姓衛氏。武公之後也。名斐。號龍孫。幼字猗猗。涓川人。生而秀姿疏節。鵠峙鸞停。英挺異常。人性圓通。風流瀟灑。所交多知名士。七賢六逸。時相過從。尤與王子猷稱莫逆。常招此君嘯詠。終日不倦。蓋以君虛心應物。雅

有○君○子○之○度○也○晚○年○喜○參○玉○版○禪○人○稱○謂○玉○版○和○尚○云○

贊○曰○龍○化○葛○陂○鳳○鳴○嶰○谷○夜○雨○瀟○瀟○曉○烟○漠○漠○清○風○徐○來○篩○金○戛○玉○居○有○此○君○味○勝○食○肉○

素○友○姓○何○名○思○遜○字○癯○仙○晚○號○羅○浮○山○人○其○先○揚○州○產○也○結○廬○於○西○湖○孤○山○招○林○處○士○與○之○偕○隱○臭○味○相○投○不○啻○伉○儷○處○士○愛○鶴○兒○畜○之○山○人○視○之○猶○子○也○有○時○山○人○與○處○士○搜○詩○索○笑○於○風○雪○中○入○深○山○終○日○不○返○使○鶴○居○守○故○或○贈○以○詩○有○天○寒○有○鶴○守○梅○花○之○句○未○幾○遇○綠○萼○華○仙○去○贊○曰○人○淡○無○言○丰○神○秀○逸○林○下○風○山○中○雪○紙○帳○高○眠○銅○瓶○輕○折○爲○問○處○士○家○可○有○癯○仙○迹○

●冰壺先生傳

先生姓寒氏。名齋。字旨蓄。洛陽親友。以其盟心清白。有如玉壺冰。因謂之冰壺先生云。先生少長田間。所居在霜畦雪徑。惟與農夫野衲狎。范希文讀書長白山時。曾與先生同食寒粥。訂斷金交焉。性喜寒。至冬月。丰神愈秀。聞其言。試細咀之。往往得味外味。故天寒歲暮。人皆以不獲遇先生爲憾。詩云。我有旨蓄。亦以御冬。蓋實美先生也。當先生閉門種藝時。不知先生者。以菜傭輕之。先生不與較。而談泊自若。方且謂齧得菜根。百事可做。其志尙固。非葱大官。芋博士等所能及。後蘇易簡以太宗前席之問。薦先生於朝。於是聲名大噪。有諸葛之譽。非先生志也。曰肉食者多鄙。使我日

享公饕。不如歸隱田園。尤不失舊時風味。遂請老以老圃終。  
逸史氏曰。先生清者也。其視塵世穠華富厚之味。直糞土耳。人號先生謂  
冰壺。吾謂非冰壺不足名先生。亦非先生之清不足以冰壺名也。於是乎  
先生以冰壺傳矣。

●東籬處士傳

處士姓鞠。名英。字澹如。世居彭澤。其始祖華。曾注月令。漢時有名。芳者與  
蘭氏秀齊。名武帝徵之。皆不至。帝秋風辭。懷佳人者。卽秀與芳也。芳之裔  
孫曰晚香。性孤傲。以老圃終。娶楚屈氏。於重陽日生英。英生而秀色可餐。  
長好閒靜。不慕榮利。時披仙人斨。佩茱萸。捲簾對月。頗有雅人深致。所居

廬舍雖卑。而庭院殊廣。惟東籬藝花最多。因自號東籬處士。陶淵明令彭澤時。賓客闐門。處士亦爲令客。及辭官歸去。三徑就荒。門下客多雲散。惟處士與十八公獨不去。陶令歸去來辭。松菊猶存。蓋記實也。尋十八公以梁棟材爲大夫。薦處士爲黃華。使辭不就。而與陶令交益善。陶令性嗜酒。處士亦善飲。嘗九日無酒。陶令把處士袂坐而悵望。見白衣送酒來。卽相與歡飲。陶令醉欲眠。處士爲之插花滿頭而歸。處士晚年善養生術。形雖瘦。而耳目不衰。後辟穀。惟飲甘泉。從費長房遊。不知其所之。逸史氏曰。處士清霜勵節。秋水爲神。其視世之穠艷粉華。直草芥棄之。乃今人不爲桃花輕薄。卽爲柳絮顛狂。其果可令處士見耶。此處士所以辭。



黃華使而願從長房遊也。

●含黃伯傳

公姓郭。名索。字彭其。別署無腸公子。世居松江。後徙草泥鄉。吳中介士。皆公同族也。公睥目。蟠腹。稜角峭利。行不循故轍。初以上舍生發解。成孝廉。任監州。充江湖使。遷橫行將軍。積功封含黃伯。得世襲。公少年時。嘗以河洛自占。屬離卦。當以文明顯。於是吐其口沫。一揮大手筆。爲文橫厲無前。主試賞其文。謂玉質金膏。耐人咀嚼。拔冠解額。性剛介。爲監州時。燕於畢吏部家。吏部醉戲持其足。公瞋目揮臂而起。曰。吾不能以一監州折腰媚權貴。有吾無監州。亦可。吏部揖謝之。公橫劍而出。其爲江湖使也。勤於四

體。嘗。一。燈。水。滸。揮。衆。爬。沙。以。興。水。利。稻。熟。時。卽。出。巡。田。畝。問。俾。農。民。得。就。  
近。輸。稻。民。便。之。旣。而。進。將。軍。躬。擐。堅。甲。擁。劍。橫。行。如。鍊。雙。螯。蝦。兵。辟。易。曾。  
與。童。氏。戰。童。遣。其。二。子。自。後。襲。取。公。揮。軍。倒。戈。前。臂。雙。斧。怒。目。而。訶。曰。孺。  
子。速。退。毋。膏。吾。斧。童。自。是。畏。其。鉗。制。不。敢。逞。朝。廷。嘉。公。有。輸。稻。之。誠。明。執。  
戈。之。義。召。對。前。席。賞。金。錢。千。賜。紅。袍。一。命。居。鼎。鼐。號。伴。食。宰。相。食。酒。泉。郡。  
薑。田。千。畦。封。伯。爵。進。號。含。黃。以。元。鼎。元。年。某。日。甲。申。薨。于。位。甲。子。足。八。有。  
二。葬。桂。林。之。醉。鄉。腹。地。初。娶。松。江。郡。君。又。娶。湖。濱。解。氏。生。子。二。曰。團。曰。尖。  
皆。克。承。家。業。有。父。風。

贊。曰。不。惕。貴。官。公。之。介。也。不。畏。強。敵。公。之。威。也。腹。有。雌。黃。蘊。內。美。也。鋒。芒。

稜露不可犯也。調鼎之任宜也。世之人有外狀而中無實者。皆有愧於公。

●中山侯毛錐傳

毛錐者。字文鋒。秦中書令穎之遠裔也。毛氏世業儒。代有名人。凡九流百家。天人之書。無不經毛氏纂錄。越數傳而有名。錐者。母管氏。管城子之女也。夢兔而生錐。錐生而機致圓秀。丰神穎異。幼與班仲升善。仲升初貧。錐與共傭書。一日。錐心不平。奮身投地。叱仲升曰。大丈夫當立功異域。以取封侯。何乃鬱鬱久居此乎。仲升卒。因之一激。封侯萬里。爲時名將。長善詞翰。喜簪花。江郎於夢中受其指畫。文思秀發。才名藉甚。嗣厭其文太綺靡。復從夢中別去。江遂有才盡之歎。上聞其名。即日召拜中書。與剡谿楮待。

制易水、燕正言、端谿石、端明時從、上遊侍文、讌當世、榮之稱翰林四學士。  
上又愛錡能通世務、善隨人意、詔誥敕令、惟人所使、進封中山侯、賜翡翠  
牀、珊瑚架、以榮之時、有舞陰侯金罇者、嫉錡以文藝結主、知輒笑曰、安朝  
廷定寇亂、直須長鎗大戟、若輩書生安足用哉、錡叱之、罇曰、請與子論功  
可乎、曰、可、罇曰、斬將搴旗、一以當千、子孰與我、錡曰、吾能橫掃千軍、何不  
如子、罇曰、喋仇人之血、斬佞臣之頭、子孰與我、錡曰、一字之貶、嚴於斧鉞、  
人畏子匹夫之勇、不如畏我春秋之簡、又何不如子、且開創之初、運籌幃  
幄、露布羽書、守成之日、制禮定樂、發政施仁、當是時也、屬之子乎、屬之我  
乎、於是罇默然退、而謂人曰、尖頭奴、鋒銳不易與也、後錡以衰老髮禿、摩

畫復不如前乞骸歸封邑終於中山其子孫多散處為江同關同二氏所  
侵削不復如前之繁盛矣

南史氏曰知幾其神乎誠哉是言也雖以文藝結主知衰老即乞歸可仕  
則仕可止則止出處之際如者有幾哉

●子墨客卿傳

客卿姓陳名元絳人子墨其字也系出邢夷唐時有與李廷珪善者廷珪精墨

為墨官見唐人筆記隱黃山能燒松桐之枝作烟雲百態元之祖也遺有硯田子孫

力耕無惡歲父龍賓行十二時號十二郎娶潘谷女生元元生而目睛點  
漆眉黛添螺母愛惜如金呼謂墨寶長而端莊流利無小無大可方可圓

自如也。即墨侯見而奇之。曰：是子眉目如畫，能磨礪而研鍊之，翰苑才也。爲掄揚公卿。於是磁州水中丞、中山毛中書、剡谿楮待制，皆與結翰墨緣。元亦善自磨研，淋漓盡致，名益著。會上好儒術，語大臣薦文墨士，即墨侯薦元，堪供奉翰林。上即召見西園，喜其光采朗潤，命值文房，拜客卿，賜金壺石燭。一時子墨客卿之譽，藉甚士林。元感主知，益磨礪士庶，點綴太平。上嘉其潤色文治，詔封松滋侯，食采徽州，賞松煤萬竈。久之，有譖其刻剝煤戶，貪墨爲藝林污點，應落職者。上以其舊臣，不問。元自知短己者多，歎曰：非我磨人人磨我，吾老矣，不慣與世推移。元圃就荒，胡不歸。遂乞歸封邑，終老徽州。其子孫繁衍，世爲徽州望族。

南史氏曰。客卿以文墨取顯貴。所交皆當世名公卿。榮矣。晚年不幸。卒來讒口。受貪墨謗。何鄉者相慕尙之衆。後相遇之戾也。豈非天哉。

●楮先生傳

先生姓楮氏。名知白。別號玉板。其先蔡出也。世居華陰。後遷剡谿。代以儒名。先生生而白皙。性溫平和柔。博聞強記。凡經傳史乘氏族地志之書。醫卜星相浮圖老子之說。旁及官府文書。市井簿記。靡不通曉。人以是多之。晉左思作三都賦。識者甚少。得先生片羽。代爲揄揚。一時聲價十倍。都人士爭以先覩爲快。而先生亦名貴洛陽矣。由是上自王公卿相。下及屠沽販夫。無不願交先生。以先生善隨人意也。時天子方好儒術。延攬文學士。

置諸左右。聞先生名。即日召見。文房拜待制。凡詔誥教勅。皆由先生宣播。中外故朝廷大臣。遠至四夷君長。罔不見先生。如見天子。崩角稽首。恐後上嘉其勞。封好時君。夫人薛氏。蜀人。通文翰。顏映桃花。心捲蕉葉。與先生玉案相莊。稱賢內助也。其子孫繁衍。散處四方。皆能繼其業。近世有名幣者。得通神術。擁厚貲。爲中外人愛重。亦其苗裔也。

南史氏曰。楮先生之名。所以能大著若此者。以與左太冲俱。及後飛黃騰達。以榮名終。一介書生。風雲際會。亦可爲老守青氈者。揚眉吐氣矣。

● 卽墨侯石端明傳

石端明者。字虛中。不詳其所自出。或曰歙產也。或曰萬石君之裔。結繩漆



書之世。其族未顯。後其別支有名古瓦者。魏時爲銅雀臺守吏。五代時有號鐵耕者。與桑維翰善。維翰得其磨礪。卒成進士。爲時名臣。石氏正派。居端谿者曰端明。端明生而莊雅。厚重丰度。端凝識者。知其爲大器。性樸訥。知守黑。中堅如砥。外圓合規。喜交文人。學士中書令毛穎未貴時。嘗與並耕。田間絳人陳元亦時以道學相磨研。時華陰楮待制負文譽。人稱楮先生。每有所著作。必經端明相磨礪而始成文焉。三人引端明爲石交。嗣三人皆貴。交薦端明於朝。上嘉其形端表正。有大臣體。使與毛穎陳元楮待制入直中書省。同平章事。端明與三臣砥礪名節。上益器重。於是封卽墨侯。三臣亦晉爵。有差。端明善農學。能令石田爲良田。使無惡歲。故筆耕墨

耨之徒咸利賴之稱卽墨侯之德不衰。

南史氏曰聞之宋有玉帶生義士也從文信國遊朱竹垞有歌以表其生平卽墨侯殆其宗人也砥行修名淵源家學有以夫。

### ●杜撰傳

杜撰者世居北通州字伯典別號空洞子少博通經史讀書不求甚解而腹常枵然爲文喜獨出心裁不沿襲前人苦澁勝唐樊紹述一時號澁體樊紹述文號澁體嘗自謂文必己出彼竊取剽襲或拾人牙慧者雖文從言順究非廬山真派信口雌黃甚自得也奈其文一語百盤歐陽修詩有一語擘牙詰屈非經公冶長介葛廬其人再三注解不能句讀句尙難斷意無問

矣。是以撰之工文。知之者極。而撰則自以知希爲貴。不知其意之無由達也。故其文多失傳。然其文縱不傳。而其名轉以文之不傳而傳矣。外史氏曰。昌黎有言。惟古於文必己出。降而不能。乃剽賊。撰爲文。務去陳言。夫充其陳言。務去之意。未有不偏於難。能而病於難通者。杜撰之文。爲難能。歟。抑難通。歟。惟撰自知之不足。爲外人道也。

●華村二徐小傳

華村佳麗。有二徐焉。二徐者。華家村人。大徐名澹如。莊妍靚雅。風度超人。初爲羅某梳櫳。稱徐娘焉。羅本胡人家。豪富而柔懦。姬自與羅交。一時豔名藉甚。貴遊子弟。車馬盈門。後愛華公子。風流年少。遂背羅而與公子定。

情。華。氏。有。黠。僕。老。袁。豔。其。色。且。以。其。能。得。公。子。歡。也。隱。與。染。欲。假。之。以。圖。奪。華。氏。產。旋。爲。公。子。弟。姪。所。覺。不。果。近。羅。袁。俱。逝。華。公。子。又。多。家。難。而。徐。娘。雖。老。丰。韻。猶。存。或。疑。其。通。元。素。術。殆。夏。姬。河。間。婦。之。流。歟。小。徐。者。徐。娘。之。假。女。丰。姿。英。爽。如。玉。樹。臨。風。亦。綺。羅。叢。中。之。佼佼。錚。錚。者。也。工。媚。術。應。付。有。手。腕。凡。華。村。之。涉。足。章。臺。者。多。顛。倒。石。榴。裙。下。焉。蓋。其。嬌。小。輕。盈。伶。牙。俐。齒。殷。懃。一。獻。則。靡。不。入。彀。說。者。至。目。之。爲。小。扇。子。云。

### ●蚌將軍小傳

將軍不知誰人兒也。或曰其幼沖時曾師通臂猿得妖術擁蝦兵蟹將窟於蚌埠。掀風鼓浪作福作威。歷有年矣。將軍喜權利好結納。北與白河之

鯤。濟河之鱘。關東之紅鰭。南與松江之鱸。浙江之鱈。海南之毒龍。往來使  
巡海。夜叉互通聲氣。以長江之鯉。彭澤之鯨。地近勢逼。時鬪暗潮。且展其  
懷珠之計。逞其吸月之能。欲推倒馮夷。重建蜃樓羽閣。於是運動關外紅  
鰭。俾率其鱗介之類。擁潮逐浪。波淹豐臺。如白蛇之水滿金山。大有蹴破  
水晶宮之勢。幸馮夷熟知水性。隨風轉舵。復請蝦氏登臺。風潮得暫息焉。  
乃將軍雄心勃發。猛氣紛紜。近聞其化身北上。力逼蝦氏於蜃樓羽閣中。  
位置其蚌壳人材。使蝦氏有鬚如戟。伸足若鉗。不能活動於水府。嗚呼。如  
將軍者。豈常鱗凡介歟。噤嗚叱咤。則波起濤湧。吾知水晶宮之活劇。將有  
鬱久必發之一幕焉。

●王大娘小傳

王大娘者。其初一堂下赤脚婢也。系出水滸矮脚虎王英紅樓王善保家。其母也。生有盜心。具奴顏。皆本遺傳性。以善補缸名。由袁家婢爲瑞姑侍兒。因之得入餐宜院。議酒食。執匕箸爲厨娘。長稱大娘焉。嘗集竈下婢羣。雌粥粥。營賣魚業。頗得利。今華家冢婦徐娘主家政。因南院小妯娌以乾餽愆。致久與北院失和。舌劍唇鎗。蛾眉不讓。家人不能安居。徐娘夙聞王氏善補缸。諒工彌縫。特遣其至南院調和。小姑佩瑚聞之。以王氏本一青衣。婢學夫人。究乏大家風範。何能與南院諸夫人同語。力阻其行。以是王大娘整釵鈿。弄衣帶。千呼萬喚。遲遲未出。近聞其託長廊李嬷嬷等先爲

疏通將珊珊來南院。蓮步徐移。佩聲遠動。方自意三十老娘。當不至倒紉。孩兒也。識者多料大娘此行。不至如矮脚虎之遇陳麗卿。見蕩寇志已爲幸事。至探姑娘之玉掌。當不能不作當頭一擊也。大娘大娘。欲效王昭君之和親。恐不能如王小二之過年矣。

●鬚夫人小傳

鬚夫人者。鬚將軍之內助也。母家太原。或曰出自瑯琊。英毅莊雅。巾幗而具鬚眉氣。能執筠管。通翰墨。不亞掃眉才子。自嫁多髭郎。而樊素櫻唇。幾爲刺破。幸鬚子雖來自毛賊。而對此如花美眷。卽有髯如戟。亦早已軟化矣。故軍機密畫。多咨商閨中。繡口談兵。蛾眉講武。如薛丁山之有樊梨花。

楊宗保之有木桂英。騷鬚之艷福。誠不淺哉。後鬚子以鬚軍威力。掀鬚爲大帥。時號鬚將軍。而鬚夫人亦由是稱焉。旋鬚將軍聽小徐娘言。率鬚軍入關。有所希冀。而夫人亦親勞玉趾。帶鬚參軍進京。雖內幕甚祕。不足爲外人道。而京華道上。錦繖繡旗。女將軍當不虛此一行矣。

●守錢虜傳

守錢虜者。名吝。初字孔方。銅山人也。其先出鄧氏。爲鄧通外室兒。通妻妒。匿郭家金穴。冒其性。稱郭先生焉。先生工內媚。以裙帶力。入賞爲郎。任銀青龜樂大夫。晉金紫庸碌大夫。後雖以贓敗。而問舍求田。面團團作富家翁。其子孫若多牛公。足穀君。皆以善居積。世守其財。數傳至吝。以其母夢。



鑽錢孔而生。故字之曰孔方。吝初生時。目若盲。見母錢氏面。眼始開。周歲。父嗇公。羅百玩具。視其所取。吝惟取金錢。作劉海舞。嗇公喜曰。吾兒保家子也。稍長。攜之入市。吝見市人金攫之。幾見撻於市。其父引咎責謝。始已。或問市人衆。子何利。令智昏。若是曰。向者吾見金不見人也。吝生而有銅臭。長益甚。頂踵無一雅骨。娶賈氏。大腹先生女。善治生。約僮僕。極刻。一絲半粟必較。與吝頗相得。夫婦終日持籌握算。甘爲錢役。無暇晷。甚至冬不裘。夏不箠。食不肴。飲不薺。銖積鎰累。家益富。黃白物殆無量數。而吝態如故。遇鄉里公益戚友稱貸。未嘗捨毫髮。蓋與和嶠有同嗜焉。扶風馬文淵。過而見之。曰。殖產貴能施。而吝也如此。直一守錢虜耳。由是守錢虜之名。

藉甚而吝之名轉無知者晚年得一子。夫婦溺愛甚。卒以奢淫破其家。至貧病不能舉火云。

外史氏曰。聞之董文恪公言。天道忌太甚。過奢過儉。皆足致不祥。守錢虜。非過儉歟。夫過儉必至刻薄。計較明而機械多。實干造物之忌。其以困窮老也固宜。

### ●饜饜君傳

饜饜君者。姓飢。名飢。字思食。殷人。七族有飢氏。之後也。世居酒泉郡。飯顆山。父老饒。號徒舖子。曾遠買大食。娶平陽饒氏。生二子。伯曰饜君。其仲也。君母方娠。夢餓鬼撲懷。寤而生。君驚饒氏。饒氏惡之。棄不舉。置兒井旁。井

上。有。陳。仲。子。咽。餘。李。兒。呱呱。而。泣。匍。匐。往。吮。食。之。得。不。死。其。父。自。外。至。見。赤。子。匍。匐。將。入。井。就。視。之。朵。頤。丰。下。有。肉。食。相。抱。而。歸。知。爲。己。子。謀。諸。婦。乳。哺。之。期。年。斷。乳。卽。善。飯。異。他。兒。雖。疏。食。菜。羹。未。嘗。不。飽。稍。長。加。餐。益。努。力。遇。賓。祭。大。酺。有。酒。食。庖。人。進。肉。君。必。快。意。大。嚼。放。飯。流。歡。食。盡。而。後。已。一。日。與。兄。饜。同。食。君。盡。三。飯。不。足。又。紕。兄。之。臂。而。奪。之。食。父。見。之。怒。呵。曰。貪。食。兒。知。食。不。知。禮。飽。食。終。日。無。所。用。心。將。何。以。自。食。其。力。乎。汝。非。吾。家。兒。也。欲。出。之。君。自。奮。曰。大。丈。夫。當。飛。而。食。肉。立。大。功。取。厚。祿。安。事。久。甘。家。食。乎。乃。裹。餼。糧。別。其。親。以。從。軍。焉。於。是。飢。驅。異。域。飽。掠。胡。兒。積。功。爲。腹。負。將。軍。凱。旋。入。朝。賜。綠。荷。包。飯。得。食。天。厨。珍。品。策。勳。封。頡。羹。侯。食。邑。萬。戶。天。

子推恩封其父老饒爲公。食大夫。母饒氏燕國夫人。老饒雖老尙健。飯兄饗爲尙食監。以君貴。故祿比二千石。一門鼎盛。祿過萬鍾。君由此滋驕。日飲食游戲。不事事。府中烹羊宰牛。置酒高會。山珍海錯。肥濃蒸薰。飲若灌漏卮。食若填巨壑。雖日費萬錢。猶戚戚于下箸焉。且大治宅第。攘奪膏腴。後房婦女以百數。金玉狗馬玩好。填倉堙廐。卒以縱欲敗度。爲廉侍御志潔所劾。議棄市。朝廷念其勳。故從輕議。削食邑。奪侯。而君怙惡如故。上聞之大怒。將收之。君亦自知貫滿。杜門齟舌自殺。田宅入官。家人離散。其子孫窮乏。至爲餓殍云。

諧史氏曰。吾聞之。縉雲氏有不才子曰饕餮。爲貪黷。誅於舜。以比三凶。君

豈其苗裔耶。何貪之暴也。夫以一食貧之賈兒立功萬里外。封侯食天祿。可謂壯哉。及志得意滿。黷貨無饜。卒以貪敗。又何劣也。嗚呼。窮餓可以勵志。醉飽適以亡身。自然之理也。豈獨饜饜也哉。

●白丁傳

白丁者。字不識。空洞人也。系出白狄。其遠祖曰白魚。當武王伐殷。渡孟津。魚以白衣自投王舟。願效前驅。積功封於長白。世爲遼東望族。延至東漢。遼東傳有白豕者。頭角穎異。爲白氏豪。素善彭寵。寵自負功高。不滿漢廷。以白豕表異遼東。名未白於朝。頗怨望。遂慫之入朝論功。行至河東。見河東白氏宗強。人才如豕者甚衆。懷慚而退。後寵以叛誅。豕坐其黨。流於白

龍堆。其後子孫繁衍。代有名人。如白鳩郎。

見干寶搜神記

白日鬼。

見劉跋暇日記

皆白氏

之健者也。越數傳而有白丁其人。丁生而頭尖似筆。性慣鑽營。今市中有白丁筆者。譏丁也。肚腹肥白若張蒼。喜食肉。家貧不能常得。故時患枵腹。其爲人也。蠢而好動。貌白皙而少書卷氣。自頂至踵無一雅骨。顧善擣菹。時集牧豬奴爲高會。白板扉開。東西南北之人謀博進者。咸來問訊。丁知和而和白。手斂財。意良得也。少年時曾入學校。畧識普音北通科學。畢業後遊白下。充某校教師。雅有白字先生之號。後聞劉長卿有陋室。一時名流咸集。丁欣然往。至則鴻儒滿座。談今說古。議論風生。見丁鄙陋。動加白眼。丁瞠目無以自白。愧汗而出。自是不敢復往。長卿陋室銘有云。談笑有鴻。

儒。往來無白丁者。蓋記實也。丁晚年病腸枯。咯血如墨。醫者診之。云六竅皆通。膈膜滯閉。但使胸留點墨。腹不空虛。則疾可已。宜服白茅根以止吐血。再進麻仁丸以潤其腸。丁盲從之。漸至麻木不仁。卒因茅塞其心而歿。諧史氏曰。白氏有二族。其一爲楚裔。平王太子建之子。所謂白公勝者也。戰國時有白圭。白起。獨遼東之族。非華種。子孫最爲繁昌。及白魚佐武王。白豕交彭寵。世遂有名。而楚裔之白無聞。若丁者。錄錄未有奇節。自劉郎銘陋室。丁得列名。其間而天下後世皆知有白丁焉。太史公曰。伯夷叔齊得夫子而名益彰。顏淵附驥尾而行益顯。吾於白丁亦云。

●飯氏二子傳

飯。顛。山。有。飯。氏。者。飯。牛。先。生。之。裔。孫。也。兄。弟。二。人。一。名。桶。一。名。盃。飯。桶。面。團。團。腹。便。便。龐。然。一。富。翁。也。而。飯。盃。則。面。黃。肌。瘦。菜。色。可。憐。幾。至。貧。乏。不。能。自。存。嘗。仰。鼻。息。於。飯。桶。以。餬。其。口。飯。桶。意。氣。自。豪。方。竊。偉。人。之。名。食。大。俸。享。厚。祿。吸。民。脂。民。膏。可。乾。沒。者。則。吞。之。可。沾。潤。者。則。分。之。飽。食。終。日。無。所。用。心。視。飯。盃。之。終。身。吃。苦。飯。不。得。一。盃。飽。飯。吃。者。其。苦。樂。不。均。爲。何。如。黎。菩。薩。不。云。乎。有。飯。大。家。吃。今。飯。桶。悉。奪。世。人。之。飯。盃。納。諸。一。飯。桶。中。俾。自。己。一。生。吃。喝。不。盡。飯。桶。固。足。自。豪。矣。若。飯。盃。者。方。求。一。噉。飯。處。甚。難。或。至。乞。飯。桶。之。餒。餘。聊。以。自。保。其。飯。盃。飯。盃。之。不。碎。亦。危。矣。哉。嗚。呼。瓦。釜。鳴。黃。鍾。棄。侏。儒。飽。臣。朔。飢。予。傳。二。子。予。悲。夫。世。也。豈。獨。一。飯。哉。莫。不。然。矣。



●丘八太爺傳

丘八者一市井無賴之徒。不知其爲誰氏子。初名忘八。與惡少流氓友。爲鄉里所不齒。適魯人有丘甲者。作大招士卒。忘八以日暮途窮。飢寒交迫。往投之。丘甲愛其聾頭鼠目。可供殺人放火之役。養爲己子。冒丘姓。以其名忘八也。人遂呼之曰丘八。八既入軍籍。性乖而行暴。恆魚肉平民。平民畏其威。以太爺稱之。尤工服從。若偉人。若黨魁。若有力軍閥。無不樂爲之驅使。偉人輩。或爭奪權利。輒借重於八。以自固。八爲虎作倀。甘如也不幸而狼心一發。則姦掠燒殺。盈野盈城。叱咤暗鳴。天愁地慘。八固足以自豪矣。然而吾民之蕩折離居。呼籲無門。八且未之知也。彼擁八太爺以操

同室之戈。爲蕭牆之禍者。其亦有人心否耶。  
外史氏曰。孟子有言。率土地而食人肉。罪不容於死。丘八之威。丘八之罪。歟。嗚呼。趙卒坑。長平。漢軍填。睢水。蟲沙馬革。丘首未能。天道惡盈。殷鑒不遠矣。

### ●楮幣傳

楮幣者。字少金。號西示。其始祖爲剡溪楮待制。世以儒顯。然皆以工文而多窮。至待制裔孫有名交子者。與錢氏並用於宋廷。錢氏有通神術。交子未能盡其用。不甚顯貴。又數十傳而至幣。盡得錢氏術。而靈便過之。故人以爲猶錢氏也。幣少。厚重。形若方正。而性實善柔。隨時舒卷。與人俯仰得。

之莫不如意。是以無小大貴賤。悉親悉愛。所至爭迎恐後。一入其門。則家人愛護。惟謹。然其爲人。好諂附勢利。如多牛翁田氏。大腹賈商氏。皆與爲莫逆交。至挈其族。供奔走不厭。若窶人子。縱千方邀致。不肯一存問。繇是清白吏亦聞而傲之。率絕不與通。後以老朽。膚裂而死。官爲火葬焉。其子姓衆多。散處海內外者。人皆給舍。舍之使勿去。咸謂留之。足以致富云。論曰。楮氏世儒家。有書香。至楮幣而爲銅臭矣。夫銅臭與書香臭味不同。故幣常貪墨。而輕儒第儒。固窮亦不屑一屈求之。安得有大力者挾楮幣等俾服役於螢牕雪案之間。使天下寒士揚眉吐氣也哉。

●不倒翁傳仿陶淵明五柳先生傳

是翁不知何許人也。亦不詳其姓氏。平居端立不倒。因以爲號焉。閑靜無言。不知榮辱。嘗佯癡。由人笑罵。終日得意。腹枵然不食。身短少善嬉。世罕與友。兒童知其如此。或設餌而招之。輒與共戲。期在盡樂。旣樂而極。猶是恂情去。留心性蕭然。中無城府。龐眉皓首。與世推移。怡如也。嘗以跣趺自娛。頗暢己體。忘懷得失。以此自終。贊曰。古人有言。無怒氣者無死法。有喜神者有生機。其言茲若人之儔乎。虛無空洞。以樂其道。無懷氏之民歟。混沌氏之民歟。

### ●撲克傳

撲克者。西洋人也。近年來遊吾國。紳商士庶。多樂與之交。其爲人沉默不

露。有臨機應變之才。嘗研究心理學。一舉一動。無不合社會好尚。心靈敏。能察人於微。善伺人意。色。或二三知己。聚首談心。或滿座高朋。開門大會。撲氏周旋其間。無小無大。多以得撲氏爲樂。以至謀博進者。不惜揮斥巨金。爭相結納。甚或張大其詞。用機詐術。因其昵友。勃勃夫。以劫致之。其動人。有如此者。

譜史氏曰。撲氏外似方正。而實則輕薄。其能得人歡心者。以其工於心理學。因應操縱。無不合人。之。心。理。也。嗚呼。叔世民訛。論交非易。心理之學。顧可忽乎哉。

●百斯篤傳

百斯篤者。不知其所自出。或云。姓黑氏。上古腓尼基人。有田鼠者。曾與黑氏行疫於其地。紀元前七百十三年。黑氏復施毒於其民。幸未幾即隱去。至西魏大同間。黑氏率鼠輩殺人於埃及。其後起伏不一。至十七世紀。則大肆猖獗。歐亞人之被其害者。不可勝數。近世美洲紐約桑港。亦時有黑氏之迹矣。黑氏性好殺人。所至輒殺人如草。村聚爲墟。其酷忍較黃巢張獻忠爲尤甚。喜與鼠輩伍。鼠輩受其指使。供殺人之役。而卒亦身爲所殺。近聞起事於山西綏遠。凶燄已至朔平太原。其行疫也。速於奔馬。瞬息千里。故京津距晉尙遠。亦有其一二遊騎焉。於是各省羽檄交馳。力圖防守。務使其不得越雷池一步。四方堅壁清野。以絕其蔓延。復令苗將軍狻猊。

率其爪牙兵殺鼠輩以孤其黨。俾不得乘隙而攻。如此嚴防黑氏之凶。燄庶可稍殺乎。

外史氏曰。聞之天有殺星。黑氏之好殺人。豈其感殺星而然耶。何其心之忍也。老子不云乎。師之所處。荆棘生焉。今觀黑氏益信。

文八 共七首

●留貧文并序

唐四時寶鏡云。高陽氏子好衣敝食糜。正月晦巷死。世作糜。棄破衣。是日。祝於巷曰。除貧。予謂貧是。人生清福。今人不耐貧。只是未具福相耳。若真能安貧。則自有樂處。何必除之而始快耶。因反其意而慰。

留之其辭曰

民國七年正月晦日邯鄲公子以一盂一觴留窮鬼而慰之曰汝高陽氏之苗裔也。生爲窮人。死爲窮鬼。面目可憎。人皆惡子。子呢子雲子雲逐汝子炙昌黎昌黎送汝。千年落落竟少知己。今汝依我四十餘年。以我近子人多。予嫌有人告予。子行有日。惟正月晦。汝將我別人方。我幸予謂不然。貧富天命。汝豈有權。陋巷簞瓢顏子自樂。拖紫紆青一跌赤族。富貴身危。貧有清福。汝安舊居。何必改卜。窮鬼稱謝再拜。陳詞世皆疾予。棄予如遺。留予慰予。先生獨兮。先生安予而樂道兮。可傲子雲兮。笑昌黎。

●迎富文有序



歲華記。以二月二日。出野采蓬葉。向門前祭之。謂之迎富。富而果。可迎也。耶。迎之而得富也。耶。因亦作文以迎之。

民國七年二月初吉。鯁生以三枝高香。一杯清水。迎富神而告之。曰。夫子尊號以富。稱神。夫子權力以富。逼人得近夫子。氣吐眉伸。夫子佑之。貴據要津。公行賄賂。負販搢紳。眼紅心黑。搜括頻頻。脂膏爭吸。不讓當仁。又有丘八。惟夫子親軍。輸戰餉。動百萬緡。將軍醉飽。走馬尋春。養兵養寇。民苦涸鱗。昏昏夫子。何輕吾民。吾民生計。珠米桂薪。難見夫子。終窶且貧。鯁生不敏。傲骨嶙峋。生與夫子。無香火因。天涯淪落。橐筆瀕濱。茲當春仲。迎富良辰。未能免俗。聊爲效顰。自慚潢汙。敢薦溪蘋。神其來格。福祿重申。

●驅睡魔文

歲戊午春仲。予於乙夜觀書燈下。輒復昏昏。是誠有睡魔耶。柳子厚、罵三尸。申瑤、泉驅倦鬼。爰效其體。以驅睡魔焉。

嘻。魔來前。魔來前。吾今告汝。汝諦聽之。我聞在昔。古聖可師。堯肌如腊。禹足胼胝。文勞日昃。且勤夜思。不厭不倦。實惟宣尼。彼皆聖人。汝不能近。何仇於予。而爲予梗。惟汝之來。非蠱非病。未醉醇醪。而亦酩酊。未當燕息。而思臥寢。使我頭目若眩。若旋。使我手足如束。如纏。吾陳典籍。鉤隱探玄。自汝跼伏。令我茫然。句無以讀。文難終篇。使人昏昏。是汝之罪。予也何辜。而爲汝累。使我學荒。使我意怠。累我實多。汝其速退。言已隱几。坐而假寐。見

若有人。施施而來。低頭垂首。土木形骸。顧予而語。君言奇哉。君不自責。而咎吾儕。吾儕所友。與惰者偕。至若下帷之董。鑿壁之匡。不入其幕。不爭其光。螢牕雪案。持錐懸樑。乃如斯人。避之不遑。惡勞好逸。迄可少康。吾竊窺君。知君久矣。一卷陳前。聊復爾爾。習少鳥飛。心有鴻至。君也如斯。我何畏子。君如精強。我卽自去。言訖不見。予悟而笑。魔耶。心也。惟人自召。民生在勤。是則是倣。君子自強。靈臺洞照。意銳志堅。魔何能擾。

●驅痔文

辛酉春夏之交。予苦病痔。因思陳檄杜詩。愈風除瘧。文足驅病。於古有之。爰介墨卿。以告頑痔。曰咨爾痔。我明告汝。汝居下流。名等闍寺。齷齪之徒。

本不足語。我今有言。冀爾速去。我聞在昔。汝來有因。汝所交好。酒色之人。熱中。祿蠹。悉主。悉臣。鯁生落拓。與汝何親。曩時年少。意氣無前。酒酣耳熱。拔劍呼天。後經哀樂。興味蕭然。紅友歡伯。早已無緣。寡人好色。刑于寡妻。飢來驅我。息擔何時。鄭娥衛女。云誰之思。卽空卽色。宜爲我辭。至云熱中。鄙夫是矣。狗苟蠅營。甚或舐痔。乃如之人。比比皆是。合污同流。汝可與處。予也不敏。少無宦情。不慕榮利。不慣鑽營。物輕慮淡。終和且平。鄙哉祿蠹。卑汗可憎。是我與爾。氣異薰蕕。汝行污穢。我爲汝羞。速斂穢迹。毋使我憂。痔聞而縮。厥疾乃瘳。

●告腹文

邯鄲公子患腹疾。捫腹而告之曰。腹乎腹乎。我明告子。一日三餐。食勿失時。慮或不足。佐以餅餌。歲時伏臘。雞豚飫汝。滋養物品。牛乳雞子。我之待汝。亦云厚矣。何負於汝。病予如此。腹曰。肥甘足口。臣豈爲是。酒食微。逐非臣本志。飯蔬飲水。樂亦在茲。時豐時儉。悉聽夫子。今君之言。臣非所知。公子復披腹而重告曰。非爲飲食。我思其餘。欲汝氣華飽。汝詩書進。汝文章。韓柳歐蘇。汝喜學。詩薦汝。李杜消間之品。小說雜俎。我之厚汝。一至於此。今汝病予。我何負汝。腹曰。博我以文。拜君之賜。用足三冬。誠哉。腹筭。乃觀斯人。碑多。沒字。伏獵弄。響比比。皆是何必。讀書先生。休矣。君雖有言。臣非爲此。公子捧腹而笑曰。旣非此。又非彼。汝病予。果何爲。腹曰。請君少安。臣

自有辭。臣之安否。非臣自主。君憂亦憂。君喜亦喜。君也善。恨江郎不啻君也。工愁平子。猶是不合時宜。一蘇學士。牢騷抑鬱。塞滿臣居。靈臺一炬。殃及池魚。臣之不安。君實使之。病胡爲來。君宜自思。公子聞言。鼓腹而嬉。恍然有悟。坦腹而睡。心曠神怡。病魔自去。

### 答口苦文

邯鄲公子。深夜讀書。倦極而寐。見一神人。盛氣而前。指公子曰。吾甯汝仇。汝何苦予。公子矍然。問客爲誰。予何苦子。神瞋目曰。汝屢苦予。何不予識。予託汝面。居鼻之下。司口之神。汝知也耶。公子未解。徐謂之曰。子爲神人。而尸予口。予口我愛。甯忍子苦。謂予苦子。我實不知。請神明示。口神笑曰。

若欲予言。我明告子。若之苦。我不可勝數。曉鐘初動。呵欠而起。盥漱忽忽。卽行早膳。薄粥粗蔬。強予下咽。苦予一也。丁丁鈴響。開課講書。咬文嚼字。者也。之乎。頤撼罔息。氣窒莫紓。苦予二也。子飢甘食。午餐夕餐。二盤三盃。虎嘯狼吞。魚餒肉敗。予厭且憎。苦予三也。課餘公退。予欣得閒。子尋同志。猶復高談。或歎。或笑。終爲予煩。苦予四也。受茲四苦。日昃未遑。黃昏人靜。庶可少康。奈何。比暮而猶。予忙卷書。燈下兀兀。深宵誦讀。不輟舌敝。唇焦。苟非仇我。苦予何饒。爲他人口。我知之矣。食前方丈。肥甘足飫。敷奏陳詞。含香漱乳。觀我朵頤。富貴者然。至於貧賤。亦易周旋。殘羹冷炙。甘等肥鮮。荒亭一覺。乞丐神仙。獨我不幸。苦也可憐。公子哂曰。云吾苦子。不過如斯。

言苟止是。予亦有辭。託形於吾。子幸若茲。設子不幸。託形佞人。截截善辯。亂政害民。人將惡子。鼓舌搖唇。日子爲利。冀子滅身。其害若此。凍知乎哉。今吾處子。不食嗟來。饗飧有常。不增不裁。且剛不吐。而柔不茹。支離屏棄。雅言詩書。守子如瓶。愛子惟予。子之大幸。何苦之有。謂予苦子。我不甘受。是非背馳。子實我負。於是口神赧如其形。噤不得語。恍若惺惺。慚謝而退。予亦遂醒。

●答友告文

曼倩有客難之說。孟堅演賓戲之詞。小子不才。敢符斯義。俾答友告焉。其辭曰。



有友告於予曰。子胡爲自殺乎。予笑曰。先生何爲出此言也。友曰。子好借筆墨以罵人。人孰無心。而能任子罵乎。小則反以惡聲。徒自取辱。甚或騰爲口說。加子以澆薄之名。詆子爲輕狂之輩。合而謀子。動卽見尤。衆口鑠金。積毀銷骨。子之所處。不亦危乎。孟子曰。非自殺之也。一問耳。觀子之所爲。非自殺而何。予曰。先生之言。誠金石也。然予以一介寒儒。飢驅異地。筆耕墨耒。作苦硯田。輿服不足以動人。丰采不足以驚衆。免人譏罵。亦云幸矣。有何敢開罪於人乎。或言語之間。失於戇直。詩文之內。畧涉牢騷。是誠有之。予知過矣。乃有曾參殺人。顏標錯認。鴻羅魚網。李代桃僵。予也何辜。而遭斯誣。旣思伯魚被名於不義。直生取疑於盜金。古之名人。猶或如是。

至如小子。尙何言哉。友曰。大風來乎空穴。堅冰兆於履霜。疑謗之來。惟人自召。子能除其戇直。平其牢騷。溫厚和平。與人無忤。疑謗亦何由而起哉。昔江都汪容甫先生。狂名驚座。豪氣陵人。而其所爲詩文。皆謹飭過甚。其友洪稚存太史問之曰。一世多欲殺我。倘筆墨再不謹。則墮諸人術中矣。其自防也如此。吾之告子。亦願子之自防也。予起而謝曰。小子無知。承君藥石。作我聿弦。自當永矢勿諼也。

頌九共二首

●嫖德頌仿劉伶酒德頌

有風流公子。以情禪爲正法。色相爲波羅香國。爲樂土。慾海爲愛河行攜。

佳麗居伴。嬌娥左擁。右抱。樂如之。何行則花街柳巷。止則鴛帳鳳窠。惟嫖是務。焉知其他。有迂腐俗士。寒酸學子。聞彼風聲。論其所以。乃正襟抵掌。掀髯啟齒。高談禮法。是非蜂起。公子於是方倚翠。偎紅。玉軟。香濃。春風斗帳。暮雨巫峯。胡天胡帝。其樂融融。攜雲而睡。握雨而醒。靜聽惟聞鶯燕之聲。熟視惟覩鷓鴣之形。惟慕杜牧之狹邪。陶令之閒情。曠觀塵俗。擾擾焉如飛絮之與浮萍。二豎在前焉。如蚊睫之巢。焦螟。

●睡趣頌仿劉伶酒德頌

予疏懶性成。不長徵逐。公餘之暇。時手卷書。遊睡鄉。客有目以孝先者。爰效劉氏酒德頌。以頌睡趣焉。

有瞋睡漢者。以天地爲夢境。萬事爲子虛。枕簟爲良友。牀榻爲安居。夢懷白也。秋臥相如。閒來攤飯。時遊華胥。朝則鬢亂傭梳。午則手倦拋書。惟睡是樂。違言其餘。有勞勞俗子。栖栖世士。見其睡趣。論其所以。乃鼓舌弄唇。信口譏刺。目爲疏懶。懦無立志。睡漢於是方脫巾倚牀。高臥羲皇。作黃梁夢。遊黑甜鄉。無罣無礙。其樂洋洋。頽然而臥。莞爾而醒。臥時惟聞駒駘之聲。醒時惟見懶散之形。不識炎涼之世態。名利之俗情。臥忘萬事。如涵虛之渾太清。衆人不識焉。如夏蟲之難語。冰。

銘十 共二首

●藝海思潮銘仿陋室銘

藝不在高。動人則名。思不在深。識時則靈。如潮如海。惟文字馨。有價比結。綠無目。不垂青。談諧出名士。牢騷發酸丁。勝於弄胡琴。談嫖經。有趣聞之。悅耳。有挿畫之描形。小說追畏廬。雜錄過嘯亭。諸子云。無奇不有。

●黑漆小瓶銘

人心好利。賄賂公行。外交受賄。古亦有人。中令相宋。海物黃金。

趙普受錢王俶海物十瓶

會太祖幸普第。見之。命啟瓶。皆黃金也。

伏波武績。貪以敗名。明珠薏苡。誣謗紛紜。近今協約。

傳由賄成。惟曲中將。自表介清。東人致餽。惟有漆瓶。非關國際。僑札交情。乃騰誹語。耳不堪聽。謂心之黑。較漆尤深。內容祕密。守口如瓶。人言藉藉。或失其真。爰識數語。以俟公評。緬生不敏。以爲之銘。銘曰。

知其白。守其黑。非玉。非金。非寶石。式樣玲瓏。工篆刻。珍品來自蓬瀛。客淨水楊枝。供我佛虛而有容。惟乃德古雅。豈等阿堵物。

### 祝文十一 共二首

#### ●祝如來生日文

遼史禮志。二月八日。爲悉達太子生日。京府及諸州。以儀仗百戲。導從木像。循城爲樂。悉達太子者。淨梵王子。姓瞿曇氏。名釋迦牟尼。卽如來佛也。茲當佛誕良辰。爰祝以文云。

鑪香乍爇。法界蒙熏。諸檀越誠意良慤。幡影引祥雲。寶蓋珠纓。我佛現金身。奉祝琉璃世界。妙相莊嚴。西方聖人。釋迦牟尼真佛。惟二月二日。爲我

佛生辰。歷百千萬億劫。得無上大乘。我人悉化。大慈大仁。法門廣大。德化度人。世尊無量壽。金剛不壞身。三千大千界。祝我佛長生。我佛言善哉。衆生今諦聽。云何得長壽。悉種菩提心。菩提結善果。心地大光明。

●祝百花生日文

陶朱公書。二月十二日。爲百花生日。因爲詞以祝之。

時維二月。序屬仲春。天朗氣清。風和日暖。枇杷門巷。香草一叢。楊柳樓臺。遊絲數尺。賞陽春之烟景。有大塊之文章。鳴佩穿珠。向花王而上壽。薰香摘豔。祝花國之長春。遙看春色無邊。處處鶯鶯燕燕。惟冀韶光不老。時時翠翠紅紅。者番美景良辰。賞心樂事。誰家院。此日穠桃豔李。萬紫千紅。總

是春歷三千劫而得昇色界天中。輸十萬緡而思入迷香洞裏。願天下有情。放眷屬常生連理之枝。聞西方寶樹號婆婆。娑上結長生之果。

### 祭文十二共一首

●戲擬徐娘祭袁陵文近各報載東海定元日（十三日）親赴豫祭袁墓

維年月日。舊妾徐娘。謹以麥飯一盂。紙錢數串。致祭於洪憲帝之陵。而弔以文曰。嗚呼。吾皇智勇天錫。氣度非常。虎嘯六合。龍睇八荒。雄心勃發。大志飛揚。師趙佗之稱粵帝。陋曹瞞之學文王。洪憲建元。兮如昨。大典籌備。兮未遑。樂攀龍兮附鳳。媿勳戚於金張。雖八三日之短祚。亦九五尊而當陽。何十三太保之擾擾。不能保大業之永昌。嗚呼。吾皇固一世之梟雄。而



今安在。歎百年之長暮。能不神傷。瞻佳城之鬱鬱。發哀音於舊倡。陸機甲魏武文  
念嵩山之故事。感遺惠於分香。跪陳詞而雪涕。魂庶幾其來饗。

批疏十二共一首

●擬天宮批王道士疏

天宮奉玉旨。由凌霄殿值日功曹。呈來安福道士王某一表。詳閱疏草。大掉鎗花。據該處城隍神及安福道院土地申告云。該道王某。素與鐵扇公、主、有、染、附、和、采、芝、翁、。講、張、爲、幻、。隱、害、生、靈、。且、大、營、漁、業、。竭、澤、而、漁、。以、清、淨、之、道、觀、爲、腥、鹹、之、魚、肆、。淫、惡、貪、鄙、。負、罪、殊、多、。早、應、畏、法、歛、迹、。乃、膽、敢、假、帝、鑒、以、明、心、。隱、用、其、捉、妖、之、老、手、。濫、陳、疏、奏、。冒、觸、尊、嚴、。實、犯、天、條、。難、寬、天、罰、。

著交南天門諸天將嚴行定擬。陳請施行。此批。

告示十四 共一首

●擬某小學禁吐痰示

爲出示曉諭事。本校長自到任以來。術工飭痔。技擅吹螺。拾教育界之唾  
餘。假文明人之吐屬。演說亦風生咳唾。籌畫到嘔盡心肝。知辦學當專重  
衛生。講衛生宜掃清痰迹。爲此綠孟分陳於地角。白條遍貼乎柱間。凡屬  
職員生徒。勿效元公之吐哺。以及厨司校役。毋爲仲子之出哇。本校長有  
非剛不吐之微權。爾衆人莫藐視可唾之重令。凜遵毋違。切切特示。

啓十五 共一首

●約同人作消寒會啟

烈烈冬日。肅肅淒風。雁沼冰凝。兔園雪積。年豐樂饗。邪風則曰殺羔羊。歲晚務閒。唐俗亦嘗歌蟋蟀。故事正堪追憶。吾人豈乏開懷。爰約同心。共襄執耳。集鴻儒於吉日。締燕樂之雅盟。談詩則爭致劉生。嗜酒而還邀陶令。華輪蠟屐。並望惠臨。紅袖緇袍。無妨雜坐。務使肴豐酒暖。寒氣全消。莫令釀熟稻香。良辰辜負。從此圖披九九。借爲燕饗之期。因而徑闢三三。迭作象筵之主。某啟。

書十六 共十三首

●擬辯帥答王克琴書 集曲牌名

克琴、（美娘兒）粧次、（江頭話別）時、（憶仙姿）（相思兒令）我、（青衫濕）淚刻由某君遞到、（一封書）見卿細、（訴衷情）似、（惜分飛）（怨我不能作）（思歸引）竟欲效、（謝秋娘）之放浪、爲、（陌上花）（市橋柳）任人賦、（調笑令）使我心如、（轆轤金井）之莫定、回、（憶秦娥）開、（後庭芳）宴與、（醉翁子）（相見歡）笑且、（攬箏琶）高唱、（合歡令）曲其、（聲聲慢）轉如、（黃鶯兒）見、（秋波媚）態能不、（快活）而、（沉醉東風）如、（雪獅兒）之向火、作、（玉山頽）倒哉、不料、（好事多）磨、妄希、（謁金門）（朝天子）（鬥蠻牌令）失敗、致逐、（出隊子）爲、（疊字犯）（且坐令）（一轉）荷蘭瓶中、莫再有、（畫眉序）之樂、今見、（好姐姐）用銀

(碎花箋)。(悄)。(罵玉郎)。(之)。(薄倖)。(以)。(花心動)。(願與諸)。(少年遊)。(真令我  
氣破(玉胞肚)矣。

●擬王克琴與王亞筠書

亞筠女士粧次。叨居同姓。美名兒。都號王孃。並嫁英雄。可憎才。無非張老。  
關東淮北。久隔芳徽。黑水白山。時殷葵向。近聞女士。魚鮪入塞。人疑返漢。  
之文。姬翟。第來京。羣羨入宮。之虢國。爲藁砧。運動見總理夫人。行見巡閱。  
頭銜。將隨蛾眉。而顯出足。見風騷鬚子。大異豚尾。之飄搖。可憐我實命不。  
同。大辮子。竟爲大犯。何幸君。幾生修到。多髭郎。真是多資。愧我無緣。羨君  
有福。敬修蕪束。肅請蘭安。

●擬王克琴與劉喜奎書

喜奎賢姊粧次。久別春風之面。倍殷秋水之懷。都是女兒身。風塵誤落。漫云俳優畜。聲價頗高。一吻值千金。莽男子幸親香澤。舞臺現色相。都人士莫不歡迎。花墮溷兮可憐。知非善局。蓮出泥兮不染。孰若從良。美人願侍英雄。人之情也。所天而爲囚犯。天實爲之。我生不辰。卿殊有福。闊哉老曹。瞞副座唾手可成。休矣猛張飛。大辮出頭難。望荷蘭瓶裏。可憎故國衣冠。經略府中羣羨新人。歌舞合歡斗帳。新姨太無限風流。獨守空牀。活孤孀。何甘岑寂。君是幾生修到我。胡實命不猶遙。企芳儀彌深。葭溯特修蕪簡。不盡欲言。

●擬楚材與江寬書

江寬沉魂冥鑒。君稱商輪。罔六原多財主。我係兵艦。丘八本是武夫。况貴人。槩戟遙臨。首揆檐帷。暫住元戎小隊。不少蝦兵。護駕從官。良多蟹將。威風凜凜。殺氣騰騰。大江宜禁絕交通。商舶亦例應肅避。奈何無端衝冒。敢觸尊嚴。粉骨碎身。咎由自取。傷心慘目。情亦可憐。殪我副官。喪吾旅長。嗟爾船中諸客。伴彼泉下英魂。不約而同。隨波臣以俱去。遽集於此。赴水國以同遊。理亦宜之。傷何如也。但伯仁竟由我而死。此心殊抱不安。總理會干木亦有人之心。他日豈無賄恤。用伸蟻悃。蟻同順候蝠安。蝠通

●辯子別鬚子書

鬚子大哥閣下。昨見羽書。不禁髮豎。三週爲限。一髮不留。伯伯之威。出於不測。區區之意。難已於言。溯自滿清推倒以來。令嚴剪辮。宗社黨人之禁。事過吹毛。國中大興剪髮之風。我輩幾無容身之地。張大辮。已經失敗。梁大鬚亦無能爲。幸大哥不棄頭毛。受恩七載。何近日遽除髮辮。決絕一朝。况辮子與大哥前毛後毛。馬牛風不相及。燕尾豚尾。禽獸類可同羣。乃棄予如遺。今日之事。子爲政。竟蓄我不卒。靡不有初。鮮有終。此後大哥一時免曲辮之誚。百歲無翹辮之痛。子誠得意。予復何言。于思于思。別矣。別矣。不盡種種。聊報鬢鬢。並頌髯張。不勝毛戴。

●鬚子答辮子書



辮子仁兄足下。來書種種。見責條條。有始無終。舉世大都如此。顧前失後。於我無可如何。數歲勉留本屬。千鈞一髮。此時割愛。幸非動骨傷皮。况毛頭小兒。蚌壳成精。多反覆。致辮子大帥。豚尾帶水入荷蘭。足下攀髯無從。吹毛何益。牛山濯濯。且勸君渾俗和光。芳草蓬蓬。漫道我絕長補短。豚奴一去。俾我免曲辮之譏。燕子雙翹。到處學時髦之樣。送君去矣。可速從大辮。逋逃匪我。思存莫再。向騷鬚纏繞。聊修毫翰。不盡縷陳。並頌禿安。諸惟光照。

●通告南北臨時正式諸議員書

臨餐求穀諸議員公鑒。自國體變更之後。共和肇造以來。社鼠城狐。政客

別分門戶。蠅營狗苟。黨人各走路途。鳥獸不可同羣。蹄跡交於中國。有何公理。早伏禍胎。迨釁起。蕭牆戈操。同室北味。止戈之義。南無悔禍之心。彼以舊國會爲護符。招呼狗黨。此以臨參院爲代表。召集狐羣。福國利民。說鬼話好聽得極。爭權奪利。猜狼心不過如斯。北固失之。南亦未爲得也。前見北方來翰。無非放狗文章。昨觀南服覆書。半是吹牛論調。胡言亂道。指東話西。信口雌黃。妙語勝鶯簧。百轉開心。說白快談。當羯鼓四搗。雙方打筆墨。官司一樣。爲金錢主義。故作違心之論。大言不慚。便施染指之謀。小試其技。差強人意。題目大哉。如是我聞。先生休矣。言之醜也。且住。爲佳默爾。息乎。少安。毋躁。

●擬館人上滕君書爲雍和宮竊案作也

竊臣織履學仲子之廉。捆履爲許行之食。素安舊業。近充館人。乃有孟氏者。要我乎上宮。爲之定舍館。諸侯傳食。大半是舖啜之徒。數十後車。未必無穿窬之類。果然履置牖上。不翼而飛。可知賊由宮中。有心難料。旣尋履兮不見。似爲從者之謬。竊履而來。今日縱無證據。求履弗得。斯人究屬嫌疑。雍和宮事喇嘛亦犯嫌疑伏求嚴令清查。政府方近派員檢查合請付外詳議。謹上書以聞。

●擬羅帳答竹夫人書

竹娘粧次。來書惓惓。惜別殷殷。情何以堪。我之懷矣。愛莫能助。天實爲之。回憶舊情。思量往事。晝長吟罷。時樂橫陳。午倦書拋。與甘同夢。此際惟知。

六。月。息。方。謂。不。可。一。日。無。詎。料。秋。風。乍。起。冰。簟。生。涼。以。致。舊。雨。不。來。香。衾。  
辜。負。卿。也。恥。因。人。熱。虛。心。足。爲。我。師。我。也。盟。爲。天。寒。鄙。意。還。希。卿。諒。彩。雲。  
易。散。來。日。方。長。半。載。親。膚。愧。我。濫。蒙。愛。好。暫。時。分。手。勸。卿。何。必。躊。躇。長。相。  
思。以。待。來。年。或。期。重。圓。鸞。鏡。最。銷。魂。何。如。此。別。無。奈。竟。唱。驪。歌。紙。短。情。長。  
形。離。神。合。諸。希。珍。重。不。宣。

●擬黃包車夫與小販書

小。販。諸。君。足。下。人。生。不。幸。爲。貧。民。身。我。輩。所。難。惟。餬。口。計。經。年。僕。僕。始。能。  
八。口。無。飢。終。日。勞。勞。只。得。三。餐。圖。飽。謀。生。非。易。同。病。相。憐。擬。照。會。而。起。風。  
潮。弟。等。出。於。不。得。已。加。捐。費。而。生。反。對。諸。君。諒。亦。無。奈。何。但。是。同。盟。罷。工。

原屬以文明對付。若亦聚衆滋事。未免有野蠻行爲。打衛生局以示威。散小菜場以罷市。聚毆印捕。號衣與頭布齊飛。痛罵洋奴。警笛共肩章並去。羨諸君風頭大出。試看最後五分鐘。愧弟等蹙脚。無能竟是倒霉。十足前車足鑒。孫萬如枉死可憐。公道尙存。工部局權衡曲當。善全有策。幸已轉圜。到底不懈。豈無結局。此詢近祉。並候佳音。

●擬電車與黃包車書

黃包車諸君足下。道一風同。與君共濟。出門合轍。示我同行。終日奔波。苦矣。勞君飛毛腿。追風逐電。快哉。讓我出風頭。遇曲辦而槓。敲子誠無賴。受紅頭之棒打。我見猶憐。四出而阻交通。於路政不無有礙。一舉而擾照會。

彼巡捕未免太凶。乃君等不思善全。求公司爲設法。遽行暴動。向我輩以示威。卽或同盟罷工。尙是文明對付。胡爲聚衆滋事。出於野蠻行爲。以卡德路作戰場。以垃圾車當前敵。竹竿鐵尺。碎我車窗。石塊煤渣。阻吾軌道。棒傷西捕。竿逐巡官。諸君之威誠暴矣。諸君之計何拙哉。卒至圍住捕頭。愛爾司手鎗勃發。痛懲爲首。孫萬如一命。嗚呼。遷怒他人。一誤豈容再誤。反傷自己。可笑亦實可憐。近聞滬道尹允爲維持。工部局豈無辦法。叨居同道。希勿橫行。用特馳書。便詢福履。

●擬豬八戒答王道士書

頃承下問。熟議先機。欲出南天門。全丈韋陀護法。遙窺南瞻部。難施八戒。

盜魂背鈿而逃。報道先生去也。整衣而起。惟願夫子勗哉。且聞道兄與采芝仙翁靈丹久鍊。與鐵扇公主邪氣常通。仙翁豈乏良方。公主定多法寶。捉妖老手。何妨念咒畫符。賣魚巨商。詎曰有頭無尾。智多星縱多反對。孔方兄諒可疏通。正堪借此出風頭。奚必向人問水脚。安福道院從茲可益加莊嚴。東海觀音一時定皆大歡喜。王老勉之。老豬謹覆。

●擬西湖神拒王道士書

王代表因和會開議無期。將薄遊西湖。戲擬此書。以勸返駕云。  
久知穢德。遠播腥聞。代表北方。翩然南下。令招財童子。隱施搗鬼之謀。假和合神仙。妄用捉妖之術。無奈焚符誦咒。南天門神將不來。因之無事消

遣。西子湖遊興勃發。我聞如是。於意云何。如果法駕光臨。頓使聖湖色減。孤山處士避之未遑。葛嶺仙翁聞而遠去。卽雷峯蛇怪。亦不樂與周旋。惟岳廟鐵人或臭味相投耳。白堤蘇墓本爲名勝之區。三竺六橋未聞鮑魚之臭。請迴俗士駕。無貽諸神羞。惟願天也有靈。行行且止。若竟人口不諒。珊珊而來。行見羣壑爭譏。掩雲關而謝客。諸峯共怒。飛頑石以折輪。執事圖之。無使西子蒙不潔。先生休矣。請看北山之移文。

醫案十七共一首

●一路官兵骨痛醫案

嗔怒動陽。血虛不榮筋骨。痛自下而上。中飽麻木。已屬痼疾。初服遠志生



地。反。動。虛。風。宜。用。金。銀。花。花。姑。子。俗名花姑娘地。骨。皮。即括地皮使。上。下。分。潤。陰。陽。調。和。以。舒。筋。骨。再。服。太。和。丸。以。宣。通。脈。絡。骨。痛。當。可。漸。瘥。後。用。半。夏。當。歸。飲。循。理。按。法。日。以。調。理。或。冀。有。效。若。專。用。攻。劑。恐。骨。髓。內。枯。外。邪。乘。之。將。危。而。不。治。也。

小言十八 共六首

●閣閣

黃梅時節。淫雨連綿。閣閣之聲。不絕於耳。亂鳴亂噪。為官為私。豈小小蛙兒。亦有內閣之爭也耶。夫內閣也。錢老幹。既幹不來。龔不堪。那堪。繼任。王熙鳳。喜弄權。西府周公瑾。憂缺少。東風蚊蚋。擇肥螻。轉糞。一班癩蝦蟆。

之。想。天。鷲。肉。吃。者。復。跳。叫。不。已。此。梅。雨。聲。中。所。以。時。聞。闐。闐。也。歟。

### ●改組

近日改組改組之聲。熟傳耳鼓。夫所云改組者。非改其舊而新組之也歟。乃北方改組內閣。袞袞者盡是舊僚。南方改組軍府。濟濟者無非舊士。不過因勢力有消長。黨派有盛衰。斟酌於五雀六燕之間。施行其暮四朝三之術。如是而改組。容有濟乎。且和議久停頓。南北未統一。不揣其本而齊其末。即改組復改組而紛擾仍紛擾也。使南北當軸。誠能急其先務。誠意求和。開誠布公。破除私見。不爲勢力屈。不爲黨派搖。合南北人才。共造一新中國。將舊染污俗。咸與維新。則壁壘生輝。旌旗增色。吾國前途。庶有豸

乎。改組云乎哉。

●不堪

龔不堪以索餉者多。籌款無著。爲武夫所逼迫。致揆席之難安。龔不堪誠不堪勝任矣。近靳氏登臺。旌旗生色。某系某派多表歡迎。第念龔氏上臺時。歡迎者亦不少。且今日之反對者。昔日未嘗不歡迎之也。可知今日之歡迎。異日未必不反對。揮之即去。招之即來。易首揆如奕棋。視內閣如傳舍。嗚呼。秋風秋雨。來日大難。中國前途。將不堪設想矣。

●一團新空氣

近滬上發現一種新團體。發電捉和。持論戴王。彼魚行老板。所謂空氣尙

佳者。非即此一團新空氣歟。第空言夫新。有何足道。今北方宣言造新中國。南方將議立新政府。各新其新。無非出新法以攫權利。譬如一巨屋。彼云宜新。易一樑。此云宜新。換一柱。於是拆樑抽柱。實行破壞。而問其新建。設則未遑也。當此風雨飄搖之會。而經此挫折。恐棟折榱崩。鮑明遠所謂通池夷。峻隅頽者。當不日而可見矣。彼一團新空氣。不將早消滅於風。雨。嘯。中。歟。

### ●某園之炸蛋

前日某園發現炸蛋。或謂是送王老板贖儀。以老班爲交易事。不遠千里而來。今夥友星散。交易不成。冷落門前。空言待價。以致魚餒肉敗。臭惡腥

聞。餽贖者贈以炸蛋。俾知贖儀已送。可以速收魚攤。負魚籃而滾蛋矣。或云是魚行夥友。知老班大言已出。難以下臺。於是特施其詭計。以承意志。俾老班得有說可言。借端收市。所云滬上多流氓。光蛋者。老班將借此爲口實。以告無罪於各股東耳。嗚呼。滾蛋歟。光蛋歟。一炸蛋與王八蛋交易而已。何必多其辭說哉。

●忍耐

近報載府院以和會開議無日。電囑王代表忍耐。夫忍耐二字。談何容易。使家人對家人能忍耐。則一家和順。諾誚無聲。兄弟何至鬩牆。夫妻何至反目。國人對國人能忍耐。則一國和平。無分南北。同心同德。孰敢侮余。家

國如是。真可享共和之幸福矣。乃起視我國。南人北派。無一不結黨營私。爭權奪利。以致蕭牆起釁。同室操戈。將軍多跋扈之行。民庶遭池魚之禍。紛紛擾擾。一日不安。何一非袞袞諸公。塔之厲哉。若王代表在滬。和會之開議無期。各界之惡聲日至。而王代表竟能大度包容。不動聲色。笑罵由他。笑罵代表。我自爲之。其忍耐之力。爲何如也。而府院猶囑其忍耐。果何故歟。

新遊戲文章

中華民國十四年七月出版

◆新遊戲文章◆（全書一冊）

定價大洋三角

●外埠酌加寄費●

# 版權所有

編述者 校訂者 印刷者 發行者

明州趙煦

琴石山人

上海開會文堂印局

上海會文堂書局

分發行所

會文堂書局

漢口黃陂街  
廣東雙門底  
北京楊梅竹斜街  
奉天鼓樓北  
濟南西門大街  
長沙南陽街

總發行所上海

河南路  
拋球場

會文堂書局



